

علوم اقتصادیه و اجتماعیه

مجموعه علم

هر آیت برنجی کوفی نصر اولنور

مؤسسی :
احمد شعیب ، رضا نوری ، محمد مبارک

موضوعات :

روسیه : احمد شعیب . — بودجه . — بکر منجی مصرده
مسئله اقتصادیه : حسن تحسین . — استقراضات . —
فرانسه اختلال کبیری : احمد شعیب .

مدیر و صاحب امتیازی :

محمد مبارک

امور اداره و تحریریه : نور عثمانیه جوارنده طنین اداره خانه سی

نسخه سی : ۱۰ غروش

استانبول

باب عالی جاده سنده هلال مطبعه سی ، نومرو ۶۶

بودجه

۱

بودجه ندره ؟

تحصيل واردات بر غايه دكل بر واسطه در . دولت مكلف اولديني
وظيفه يني بوسايله ده ، بو واسطه ايله ايفا ايده جكدرد . بو وظيفه نك حسن
تمشيتي ، واردات محصله نك كافه خدماتي حقبيله رؤيت ايده جك ، مصارف
زائده و بيهوده ايله اسراف ايديله يه جك صورتده استعمال اولونماسيله
مكن اولاييلير . ديكر طرفدن مصارف سنويه واردات سنويه ايله متوازن
اولايدركه استقراض طريقته مراجعت مجبوري حس اولونماسين . بو
ايكي نتيجه آنجاق ، اصابتي تجارب و مشاهدات ايله مؤيد بولونان برجهله
قواعدده رعایت ايتمكله استحصا ايديلير . بو جهله قواعدده بودجه
نظاماتي تشكيل ايدر .

بودجه انگليزجه بركله اولوب انگلتره ده اوزون مدتدن ري استعمال
ايدلديكي حالده فرانسه ده ۱۸ نجي عصرده يازيلان آثار ماليه ده بوكله يه
همان هيچ تصادف ايديله مش ؛ اوراق رسمي ده ايسه ۱۹ نجي عصر ك
ابتدالرنده استعمال اولونمغه باشلامشدر . اولجه بوفكر اوزون تعبيرات
ايله افاده اولونوردى . عجباً بودجه ندره ؟ علم مالى اصطلاحاتك اك
مهمى اولان بودجه كلمه سنى ، بوكله نك افاده ايده جكي معاني يي بحق

تعریف ایتمک پک مشکل اولدینی ایچیندرکه اکثر مشاهیر مالیون اثرلرنده بوجهته یاناشمقدن امتناع ایتشلردر . بودجهنی تعریف ایدن مؤلفلرک سرد ایتدکلری تعریفاته بر برینه مشابه دکلدر . بوباده اک ایی بر تعریف اولمق اوزره بز شونی ذکر ایده بیلیرز : « دولت بودجهسی بر مدت معینه ظرفنده وقوع بولاجق واردات و مصارف عمومییه مقدار ختمتک اولدن قبولی محتوی بر قانوندر . » بوتعریفک اجزاسنی مختصراً کوزدن کچیرهلم :

اولاً ، بوراده دولت بودجهسی دیمکدن مقصد ، ده پارتمانلر ونواحی طرفندن ایفا اولونان خدمات سائرهنک عینی قواعد تابع اولمادیقی کوسترمکدر .

ثانیاً ، « مدت معینه ظرفنده » کلهلرینی قوللانتق ، هر بودجهنک کرک بر ، کرک بر قاج سنهک اولارق ترتیب ایدیله بیله جکنی و بوصورتله موقت اولدیقی آکلاتمق ایچیندر .

ثالثاً ، واردات و مصارف عمومییه ترکیبنده کی عمومییه کلهسی یالکنر دولت یعنی آنک واسطه اجراییهسی اولان حکومت معرفتیه وقوع بولان واردات و مصارفی اراه ایتمک ایچین قوللانیلشدر .

رابعاً ، مقدار خمن ترکیبندن مقصد ، بودجده کوستریله ن واردات و مصارفات مقدارینک قطعی اولمایوب تخمین نتیجهسی اولارق قید ایدیلدیکنی آکلاتمقدر .

خامساً « ارادن قبول » کلهلری هر هانکی بر ویا برقاج سنهک واردات و مصارفنک اوسنه ویا سنه لرك حولندن اول تحت مأذونیه آلیتماسی ایجاب ایتدیکنی اظهار ایدر .

سادساً ، « قانون » کلهسی بودجهیه مهم و معتبر بر وثیقه حکمنی

ویرمک مقصیده ذکر اولونمش ، بودجهلر دائماً جدول طرزنده ترتیب ایدیلهدیکی ، واردات و مصارفاتی طویدن اراة ایدن بودجهلرده موجود اولایلدیکی ایچین بولکه بعض مؤلفلرک قبول ایتدکاری جدول کلهسنه ترجیح ایدیلشد . [۱]

بودجه یعنی موازنه مالیة قانونی ایله محاسبه قطعیة قانونی بربرندن فرقلیدر . برنجیسی استقباله ، ایکنجیسی ماضی به تعلق ایدر . محاسبه قطعیة قطع ایدیلش بر طریق ، بودجه ظهوری محتمل اولان احوال مستقبله یی کوستریبر . بری قطعی بر فضله ویا نقصان ایله قاپانیر ، دیکری محتمل بر آجیق ویا فضله یی محتوی اولور .

واردات و مصارفات دولت عیبا نیچین قبول ایدیلیور ؟ بولکون اکثر مؤلفلر بولک سبب اولارق افرادک ویرکی ویرمک مجبوریتنی کوستریبرلرسده بعضیاری بوحقی دها یوکسک بر فکرندن ، فکر حاکمیتدن نشأت ایتدیریورلر ؛ حاکمیت ایله بوحق عینی قوتده اجتماع ایدر دیورلرکه برنجی رأیک تعمیمه رغماً بولفکر دها دوغوردر . بعض مملکتلرده تأدیة

[۱] پول لوروآبولو : « بودجه اولای برمدت معینه ظرفنده تحصیل ایدیلهدیک وارداتک ، اجرا اولوناجق مصارفک بر جدول تخمین و تطبیقیسیدر . ثانیاً بول مصارفی اجرا ایتک ، بول وارداتی تحصیل ایلمک ایچین بولایده صلاحیتدار اولان قوتلر طرفندن ویریلن و قاعده و انتظامه موافق اواق اوزره انجاق احوال استثنایه ده تعدیل ایدیلهدیلن بر مآذونیتدر »

استورم : « دولت بودجه یی واردات و مصارف عمومیة ک و قوتندن اول تصدیق امتضمن بر قانوندر . »

ماقی بوقاروفاستون ژر : « بودجه دولته واردات و مصارف سنویه سنی اولدن بر مدت معینه ایچین تعیین و مآذونیته ربط ایدن بر اداره قراریدر . »

فرانسه محاسبات عمومیة قرارنامه یی : « بودجه دولته و قانوناً عینی قواعد تابع اولان خدمات ساژر ک واردات و مصارف سنویه سنک تخمین و مآذونیتنی حاوی بر قانوندر . »

تکالیف ایله قبول آراسنده بر مناسبت موجود اولاییلیر : آز مکلف اولانلردن بوحقی نزع ایله ن ، چوق مکلف اولانلره بر قاچ رأی بخش ایدن مملکتلرده اولدینی کبی . حال بوکه اکثر یرلرده آز و چوق مکلف اولانلر ، حتی هیچ مکلف اولمایوب باشقالرینک و یردکلی و یرکیلرله یعنی معاونت عمومیه ایله کچینه نلرده بوحقه مظهردرلر . بناء علیه حق حاکمیتده وقوع بولاجق تبدلات بوکا تابع اولان بودجه حقوقنده واقع اولوره بودجه حقنک منشائی انکلترده آرامق اقتضا ایدر . انکلترونک بودجه اصولی اوچنچی کیوم دورانک زمان حکومتدن ، ۱۶۸۸ سنه سندن بری قطعاً تأسس ایشدر دینله بیلیر .

آمریکا ، انکلترونک پارلمنتوسنک وضع ایتدیکی و یرکیلری قبول ایتدی . بودجه حقنک طلب ایتدی ، انکلترونک بوطلی اسحاف ایتک ایستهمدی ، آمریقاییلر عظیم فداکارلقلر اختیار ایدرک استقلال محاربه سنی آجیدیلر و بومحاربه نک نتیجه سنده حق احراز ایتدیلر . پروسیاده ۱۸۵۰ قانونی بوحقی تأمین ایتدی .

فرانسه ده ۱۷۸۹ سنه سنه قدر یالکز واردات ایچین بوحقی قبول ایدیلشدی ؛ مصارف ایچین بر چوق مناقشاتدن صوکر ۱۸۱۷ ده قبول اولوندی ؛ ۳۱،۱۸۲۷ سنه لرنده تأید ایتدی .

بودجه نک موقت برمدت ایچین قبول ایدیلدیکنی یوقاریده سویله مشدک . فقط بعض مملکتلرک بودجه لرنده قواعد عمومیه و دائمیه ده تصادف ایدیلیر . یعنی بودجه اساساً بر سنه لک اولدینی حالده محتوی اولدینی بعض موادک حکمی دائمی اولور . مثلاً یالکز صوک زمانلری اله آلاجق اولسه ق فرانسه ده ۱۸۹۶ بودجه سنک سریع قطارلرله وقوع بولان نقلیاتدن آلینان رسومک تنزیلنه ؛ ۱۹۰۱ بودجه سنک مسکرات و انتقالات

رسمونك تعديل و تبديلنه دائر موادى محتوى اولديغنى كورورز .
فرانسهده مرعى اولان بو اصول ايتاليادهده جايدير . فقط انكلتردهده ماليه
قانونى «Act appropriation» بوكى تدابير نظاميه يى محتوى اولمايوب .
يالكز بودجهيه متعلق درت بش ماده يى جايدير . حال بوكه مثلاً
فرانسه نك ۹۸ سنه سى بودجه قانونى ۱۱۰ ماده يى محتوى ايدى .

قوانين ماليه سنويه يه مواد قانونيه دائمه علاوه ايتك علماً تجويز
اولوناماز . زيرا اولاً آرادن بر چوق سنه لر كنجيه مختلف قوانينك ،
نظاماتك ، اومارك هر هانكى بر بودجه نك سلسله ارقامى آراسنده داغنيق
قالدينى كورولور .

ثانياً بودجهيه اصلاحاتيه متعلق بر ماده علاوه ايدلنجيه بودجه نك
قبولنى بر امر مستعجل اولدينى ايچين اكثرياً بوماده لرده مستعجل صورتهده ،
ايجه تدقيق و تعميق ايدلگمزين قبول اولونور .

ثالثاً اكر مجلس اصلاحاتك بودجه ايله برابر قبولى جهته كجهسه ،
بودجه دن آريلاسه حكيم ايتسه بيله ينه بو اصول محذور دن سالم دكلدر .
زيرا بودجه نك مذاكره سى و قبولى زمانى تمديد ايدز . بودجه
قوميسيونلرى ، مجلسار بالطبع ابتدا بوبابده مذاكره ده بولونايق زمان
غائب ايدز ، صوكرا بو حكيمى ويررلر .

رابعاً بودجه قانوننه ادخال ايديلن مواد سائر قانونيه نك تدقيقى
نه قدر غيركافى درجه ده اولورسه اولسون بو اصلاحاتك مذاكره سى
مجلسده موجود قوتلرى اصل بودجه وقوع بولاجق تفتيشاتى
تقصص ايدز .

۱۹۰۰ ده فرانسهده موسيو پورتلو بودجه دن بونارك اخراج
ايدلنه سنه دائر بر تكليفده بولونمشهده قبول ايديله مشدر .

بودجه باشلیجه درت دوره دن کچدیکندن بو دوره لری صیراسیله
تدقیق ایتک لازمدر: (۱) بودجه نك احضاری، Préparation du budget،
(۲) بودجه نك قبولی، Vote du budget، بودجه نك اجرایی - Exécution du budget،
(۳) بودجه نك تفقیش و تصدیق، Contrôle du budget.

۲

بودجه نك امضاری

۱. - بودجه بی کیم احضار ایدر ؟

بودجه مطلوب اولان نتیجه بی حصوله کتیرمک ایچین کمال اعتنا ایله
تنظیم اولونمالی، اکه کوچوک واردات، اکه عادی مصارف بیله نظر دقته
آلتینالی، هر ایراد و مصرف مقدار حقیقیسیله قید ایدیله لیدر. خلاصه
بودجه تمام و صحیحی اولمالیدر.

فی الحقیقه تخمیناتک عملیاتده تماماً دوغرو چیقماسی ممکن دکلدر :
فقط دائماً بو غایه به دوغرو ایلر بیله مکه چالیشیق لازمدر. بعض مملکتلرده
تخمین ایله حقیقت آراسنده بک جزئی برفرق - انکلترده یوزده یاریم -
قالمقده درکه بو نتیجه بک بوبوک بر موفقیت عد ایدیله بیلیر.

بودجه نك ایکجی بر خاصه سی ده واضح اولمقدور. انسان بر کتله
ارقام ایچنده بوغولوب قالمالی، بک نظرده خطوط عظیمه سی ضبط
ایده بیلیدر. واضح بر بودجه کرک مجلسلرجه، کرک اعتبار نقطه نظرندن
الزمدر. اداره آنجق بو سایده هر آن حال و موقی و بونک ایجاباتی
تقدیر ایده بیلیر؛ مجلسلرک اعضاسی مصارفک و وارداتک هر قسمنک

مقداريله يکونه قولايجه مطلع اولور ؛ بودجه بر پرده اسرار ايله مستور اولمايجه اعتبار متين بر اساسه استناد ايدر .

عجبا بودجه يي احضار وظيفه سي کيم ايفا ايدر ؟ بودجه نك احضاري قوه اجرائيه عائددر . ذاتاً بو وظيفه يي ايفايه صالح اولاييله جك بوندن باشقا بر قوت يوقدر . قوه اجرائيه مالک اولدوغی قوجه بر اردوی مأمورین ايله سلسله مراتب قاعده سنه توفيقاً ، مملکتک الک هجری کوشه لرینک ، الک بعید نقطه لرینک احتیاجاتنه ، اهالیسنک آمال و افکارینه واقف اولور ؛ بونلری تدقیق و درجه اهمیتلری تقدیر ايدر ، بو احتیاجاتک صورت استیفا سی ر قمرله اراءه ایلر . باخصوص که بالا خره بودجه نك اجرایی یه قوه اجرائیه عائد بولنه جفندن بو قوت اوزمانکی مسئولتی دوشونه رک آن همیشه واحضارده کمال اعتنا ايله حرکت ایتک مجبوریتده بولونور . ایشته بو اسبابه مبنی احضار وظيفه سی قوه قانونیه دکل ، قوه اجرائیه عائد اولما لیدر . بو وظيفه یی قوه قانونیه احاله ایتک قوتلری قاریشیدیر مق ، اداره یی و حکومتی مجلسلرک اور تاسنه نقل ایتک ، مسئول بر مأمور یرینه غیر مسئول بر هیئت اقامه ایلهمک اولور . بو هیئت یا اسباب انسانییه ، یا کنديسنه ره قلام یا مق فکرینه مبنی دائماً مصارف مفرطیه میلدر ؛ بو اسرافه قارشی بر سد لازمدر ، بوسد قاینه نك (قوه اجرائیه نك) مسئولیتیدر .

خلاصه کرک بودجه نك ، کرک مصارف و وارداته متعلق هر درلو قانونلرک احضاری قوه اجرائیه عائد اولما لیدر . قوه قانونیه یا لکز حکومته قارشی افادته ، بیاناتده بولونمالی ، اونک یرینه قائم اولما لیدر . انکلترده بو وظيفه صرف قوه اجرائیه ، قاینه عائددر . « قاینه طلب » پارلمنتو اعطا ايدر ، جمله سی اورا جه متخذ بر دستوردر . پارلمنتونک

موافقتی اولمقسزین قوه اجرائیه هیچ برورکی طرح ایتز ؛ هیچ بر مصرف ایضا ایله مز . فقط بونک عکسی اولارقده قاینه طرفندن بر تکلیف وقوع بولمقسزین پارلمنتو مصارفک تزیید ، وارداتک تقیصنه دار بر قرار ویره مز . مع مافیه انکلتزه قاینه سی بودجه نک تنظیمنده دائماً پارلمنتو طرفندن افاده اولونان حسیاتی نظر دقته آئر ، هر درلو تقیداتدن معرا بر صورتده حرکت ایدر . پارلمنتوده قاینه نک بو حرکتیه قارش بر فرط امنیت ابراز ایلر . بو قاعده رسماً جاری وصرعی اولقله برابر ، کوندن کونه متزاید اولان مصارفدن دولایی بو اساسه بعضاً آغیرجه ضربلر اینور . مالیه ناظر لاحق سیر میخائل هیکس بیج ۱۸۹۷ ده ایراد ایتدیکی بر نقطده دیورکه : « کچن سنه ، دار بر دأره داخلنده اولقی اوزره ، تصرف اجرا ایتک ایستدم . فقط مع التأسف سویله مه لی بم که عوام قارده سی مصرفه مأمور دواثرک هپسندن دها فنا بر صورتده حرکت ایدیور ... اولجه تصرف پولتیقه سی تعقیب ایتک نمکندی . قاینه مقصد اولغه همان مجبور ایدی . زیرا افکار عمومیه بوجهته تمایل ایدنجه آرتق اک کوزل قاعده لک بیله حکمی قالماز .

آمریقاده بودجه نک احضاری قانوناً قونفریه متعلق بر ایشدر . مع مافیه بونده قوه اجرائیه نک ده بر مداخله سی وقوع بولور . مالیه ناظری هر سنه واردات و مصارف ملیه نک مقداری ، دیون عمومیه نک نه حالده بولندیقی مین ؛ اصول تکالیف حقنده بیاناتی و بونلرک اصلاحه دار افکار و مطالعاتی محتوی بر راپور تنظیم ایدوب قونفریه کوندریر . بوکله حک سنه ایچین خدمات عمومیه مقضی مبالغک مختلف دأره لر طرفندن تخمین اولسان مقداری حای مکتوب (۳۰۰ صحیفه لک بر مکتوب) سنویسنی الحاق ایدر . ایشه قوه اجرائیه نک ایشی بو قدردر .

صوكر ا قونفره ايله قوميسيونلرى ايشه باشلار . مجلس مبعوثانده مقدار وارداتى احضار ايچين (۱۱) اعضادن مركب بر دائمى قوميسيون واردر . بو قوميسيونه مجلسده اكثريتى حائز اولان فرقه رؤساسندن برى رياست ايدر .

قوميسيون دولتك وارداتى تشكيل ايدن كرك ورزى حقنده لايحهلر (Bills) ترتيب و مجلسه بيان معلومات ايلر . مجلس ماليه ناظرينك راپورنى بو هفته كوندريسه ده هيئت بو راپوره استناد ايتمكه مجبور دكلدر . وركى حقنده وقوع بولاجق تكليفاتى ايچين مكتوبده كوستريلهن مصارف ده نظر دفته آلاز . زيرا مصرف قوميسيونلرينك نه كي تكليفانده بولوناچقى بيلر . بو قوميسيونك اصل مشغلهسى آمريكا صنايعى حمايه ايتك و بونك ايچين آغير كرك تعرفه لرى ترتيب ايله مكلدر . بوندن دولاييدركه يقين زمانلره قدر آهريه قاده تكاليف وارداتى حكومتك احتياج اتندن يك فضله بر مقداره بالغ اولمش و ديون عموميه نك ثلثانى تاديه ايدنلشدر . فقط اخيراً قبول ايديلهن « باستيون قانونى » اسكى فضله لر يرينه آچيقلر اقامه ايتمشدر .

مصارف جهتنده واردات دن دها بويوك برقاريشيقلق حكيمفر مادر . ۱۸۸۳ سنه سنه قدر مجلس مبعوثانده مصارفى تعينه مأمور يانكز بر قوميسيون واردى . صوكر ا بوكا دها برقاچ قوميسيون انضمام ايتدى . بوتون بو قوميسيونلر بر بوندن خبردار اولقسزين ؛ بربرى اوستنده حائز حكم و تأثير بولونقسزين حركت ايدرك مصرف لايحهلرى ترتيب ايلرلز . كرك واردات ، كرك اجزاء مصارف باشقه باشقه نقطه نظرلردن تعين اولونور . مجلس بونلرى رد ايدمه من . ايشته بو احوال دن دولاييدركه

آمریکا رجال حکومتی امور مالیّه ملیّه نك استقبالیله مشغول اولق لزومنی
حسن ایتكده در .

فرانسه ده بودجه ایچین قوه قانونیه نك حائر اولدینی حتی قوه
اجرائیه حائر دی ؛ بوندن بك بيوك مشكلات تولد ایدیوردی .
۱۹۰۰ ده قبول ایدیلن ایکی تكلیف (بری سابق مالیّه ناظری موسیو
روونه نك ، دیکری به رتلونك) بو حتی براز تنقیص ایتدی : (۱)
مبعوثان بودجه قانوننده Amendement مصارفك تزیدینه دائر اولان
موادك اصلاح و تغییرینی ینه کافی السابق تكلیف ایده بیلیرلر سه
بو حقارینی اعتراض ایده جگاری فضلی محتوی راپورك توزیعی تعقیب
ایدن اوچ اجتماعده استعمال ایده بیلیرلر . (۲) معاشاك ، تضمیناتك
تزیدینه ، یکیدن بعض خدمتله وجوده کثیریلله سنه ، موجود بعض
خدمتلك توسیعنه دائر بودجه قانوننه علاوه اولق و یا خود او قانوننده کی
موادی تغییر ایتك اوزره ، بر تکلیفده اصلا بولونمازلر .
مع مافیه مبعوثلر تزید مصارف ایچین قوانین مخصوصه تکلیف
ایتمك بلا قید و شرط مآذوندلر . احتمالكه بوقواعد سوء استعمالك
بر درجه یه قدر اوکنی آلابیلر .
ایتالیا ایله بلجیقاده فرانسه ایله عینی موقعده بولونمقده درلر .

ب . — ناظرلك وظیفه سی

مادامك بودجه اساساقوه اجرائیه طرفندن احضار ایدلك لازمدر .
عجبا بوبابده هر ناظره ترتب ایدن وظیفه نه در ؟
هر ناظر معاونین رسمیه سی معرفتیه کندی دائره سنه متعلق بودجه سی
احضار ایدر ؛ مالیّه ناظری کندی دائره سنك مصرف بودجه سندن ماعدا

دولتک واردات بودجه-نی ده تنظیم ایلر . ناظرلرک معاونلرینک تشکیل ایتدکلری سلسلهٔ مراتبده ایکی صنف مأموریتی تفریق ایتک لازمدر .
(۱) مأمورین محلیه ، (۲) دوائر مرکزیه مأمورینی .

مملکتک هر طرفه یا بیلش اولان مأمورین محلیه اهالی ایله مناسبات دائمده بولونور ؛ هر دورلو احتیاجات محلیه هر کسدن زیاده وهر کسدن ایی واقف اولور . بناءً علیه ناظرلرک اک برنجی معاونلری بونلردر .
فی الحقیقه ریختیم انشاسی ، مکتب کشادی ، مأموریت احداثی ، ابنیه تعمیری کبی خصوصاتی مأمورین محلیه دن دها ایی تقدیر ایتک ، بونلرک ایجاب ایده جکی مصارفی بومأمورلردن دها ایی تخمین ایله مک ممکن دکلدردر . بوسیله مبنی ایلک بودجه تکلیفاتی بونلردن صدور ایدر .
بونلر یا مخبرات عادیه لرنده ، یا بر صورت خصوصیه ده تکلیفلرینی سرد واثبات ایدرلر . بودجه تکلیفاتی مأمورین محلیه اندن ، سلسلهٔ مراتب قاعده سنه توفیقاً دوائر مرکزیه به کلیر . بودائرلرک هربری متعدد اداره لره تقسیم اولونمشدر . مثلاً معارف نظارتک رشديه ، ابتدائیه ، اعدادیه ، اداره لری ؛ نافعہ نظارتک طرق ومعارف ، شمدوفرلر ، صنایع ، تجارت اداره لری واردر . بو اداره لرک رأسنده برر مدیر بولونور . بومدیرلر ولایت مأمورلرندن کلوب کندی اداره لرینه عائد بولونان تکلیفاتی تدقیق ایدرلر . بودجه نک احضاری آئنده بونلرک بر قسمتی طی و الفا ، بر قسمتی تأخیر و تأجیل ایلرلر ؛ بر قسمتی بعد التصحیح ، بر قسمتی ده بلا تعدیلات قبول و ادخال ایدرلر . اداره لرک بوندن باشقا بروظیفه لری دها واردرکه اوده کندیلکلرندن بعض تکلیفاتده بولونمقدردر . فی الحقیقه طشره مأمورلرینک تکلیفاتی صرف امور محلیه به عائد اولوب منافعی عمومی اولان و یا خود هر مملکتک برچوق قطعاتنه شامل بولونان امور و خصوصات حقنده

اولر طرفدن برتکلیف وقوع بولماز. بوتکلیفاتی دوا ائرمکزه نك اداره
مديرلری سرد ایدرلر. صووکرا بونلرک هپسی برلایحه ده جمع ایدیلرک
ناظره تقدیم اولونور. ناظرک وظیفه سی مختلف اداره لرک لایحه لرینی -
طبقی بوا دارملر طشره مأمورلرینک کوندرکلری لایحه لر حقنده یابدقلری
کبی - تدقیق ایتک لزومسز کوردیکی مطالباتی رد ، فضله کوردکلرینی
تقصیص ، موافق بولدقلرینی قبول ایله مکدر . ایجاب ایتدیکي تقدیرده
ناظر کندی طرفندن ده تکلیفات عمومیه ده بولونور . بونک اوزرینه
آرتق لایحه دوعرودن دوعروه ناظرک لایحه سی اولور ، وجوده
کله سنه خدمت ایدن عناصرک هپسی اورتادن غائب اوله رق مسؤلیت
صرف ناظرده قالیر .

ایشته هر نظارتک بوسورتله ترتیب اولونان لایحه سی مالیه ناظرینه
کوندریلیر . مالیه ناظری مملکتک هر نقطه سننده وارداتک تحصیلی ،
مصارفک ایفاسیله مکلف اولان بالعموم مأمورینه امر ایدر ؛ بعض
مملکتلرده دولت بانقاسی ، ضربخانه اداره سی ، عموم تقاعد صندوقلری ،
تصرف صندوقلری کبی مؤسسات عمومیه ده نظارت ایلر .

انکلترده مالیه ناظرینک دیگر نظار اوزرینه بر رجحان وتفوق
واردر . هر سنه ناظرلر ، صووک ایکی آی ظرفنده ، حریبه ، بحریه
وخدمات ملکیه ایچین مقتضی مصارفی مالیه ناظرینه بیلدیریرلر ؛ دیگر
ناظرلرک مطالباتدن قمارده مالیه ناظری مسؤل اولدینی ایچین بوبابده
برحق تفتیشی حائرر . هله خدمات ملکیه حقنده حائر اولدینی صلاحیت
دها بئووکدر . حریبه و بحریه ناظرلرندن ماعدا بالعموم نظارک مصارفه
دائر وقوع بولان تکلیفاتی کندیلکندن رد ایدیه یایر . مصارف حریبه
و بحریه نك تولید ایتدیکي مشکلاتی ایسه مجلس وکلایه عرض ایدر . ذاتاً

بوجهت قاينه نك عمومى پولتيقه سنه متعلق اولديغندن ماليه ناظرى يالكنز
تقرعات ايچين مداخله ايلر . شايد ماليه ناظريله حربه و بحريه ناظرلرى
آراسنده اختلاف ظهور ايدرسه باش و كلك راي طلب ايديلر . بوكاده
موافقت اولونمازسه قاينه صوك قرارى ويرير . بوقرارك نتيجه سى يامغلوب
اولان ناظر ك استيفاسى ، يا برينك ديكرينه مطاوعى ، يا خود آارلنده
برجهت استلاف بولونماسى اولور .

پروسياده بوكا مشابه بر اصول جاريدير ؛ بودجه نك احضارنى اداره
ايدن ماليه ناظريدر . يالكنز شو فرق ايله كه هر نظارت هم مصارفك ،
هم ده وارداتك مقدار تخمى ماليه ناظرينه كوندرير . بونك سببى پروسياده
هر وارداتك ماليه نظارتى طرفدن تحصيل اولونمايوب ، شمدوفرلر ك ،
معدنلر ك نافع ؛ اموال اميريه نك و اورمانلر ك زراعت نظارته عايد اولماسيدره
تكميلفات واقعه ماليه ناظرى طرفدن تدقيق ايديلدكن صوكرا برنجى
بودجه لايحه سى ترتيب ايندير . يولايحه مجلس وكلاده مذاكره اولونوب
قطعياً تقرر ايتدكن صوكرا قرالك تصديقه عرض اولونور ؛ اوده لاند
تاغه تود يعنى امر ايدر .

آلمان ايمپراطورلغنده باش وكيل ناظرلردن واردات و مصارف
تخمه نك جدوللرني آليو . بونلرى طويلا دقن صوكرا دول متحده
مرخصلردن مركب هيئتك (بونده سرا) نظر تدقيق و تصويبه اراءه ايار
ونهات رايخشتاغه كونده ير .

فرانسه ده ماليه ناظرينك ديكر رفقاسنه شيچ بركونا رجحاني يوقدر ؛
ماليه ناظرينك حق تفتيشى قانوناً قبول ايديله ديكدن يابا بيله چكى ايش
رفقاسنه واردات مقدارينك فضله مصارفه متحمل اولماديلى حقنده بيانات
وافادايده بولونمقن ، طلاق و فصاحتى ، اقتدارى سايه سنده مجلس

وکلاده رفقا-نى افئاعه چالشقندن عبارتدر . حتى ماليه ناظرى باش وکالت موقعنیه ده احرار ایتسه بيله ينه بوندن فضله برحتى حائر اولاماز . مع مافیه بعض حربیه ، بحریه ، ماليه نظارتلرینک ایچنه کیرمشر ، بوتون مسائله مهمه بی کندیلری حل ایتمشلردر .

ایتالیاده ماليه ناظرى وکلای سائرهنک فوقندهدر . زیرا هر نظارتک محاسبه جیسی ماليه ناظرینک تکلیفیه تعیین ایدیلیر واونک امر و نظارتنه تابع بولونور .

خلاصه ماليه ناظرى نه صلاحیتی حائر اولورسه اولسون بودجه لایحه سنه کندی طرفندن سرد اولونان اسباب موجبیه حاوی اورا قیده لف ایدهرک هپسنی برلکده پارلمنتویه تودیع ایدر . بو صورته بودجه لایحه سی ایکنجهی دوریه کیرمش اولور فقط بز بودورهیه کیرمزدن اول بودجهنک احضارینه متعلق مسائل سائرهنی تدقیق ایدلم .

ج . — بودجه نه زمانه امضار ایدیلیمه لیدر ؟

بودجهنک زمان اجصاری هر مملکتده بردکلدر . فرانسه ده بودجه متعلق اولدینی سنه نکل حلولدن اون بش آی اول احضاره باشلانیر . بونک اوچ آیی مأمورین محلیه ، دوائر مرکزیه وماليه نظارتی اشغال ایدر . سنه ابتداسنده مجلس مبعوثان اجتماع ایدنجه بودجه لایحه سی تقدیم ایدیلیر . مجلسک ، قومیسونلرک مذاکراتی ده برسنه سورر .

بویله اون بش آی اول ترتیت ایدیلن بودجهنک کرک تخمین واردات ، کرک تقدیر مصارف جهتندن نواقصی شامل اولاجنی شهه سزدر . بو قدر مدت ظرفنده ظهور ایدهنک حادثات سیاسیه ، تجاریه وماليه

بوتون او اساسلری زیر وزیر ایده بیلیر . بوندن ده اینکی دورلو سوء استعمال وقوع بولابیلمیرکه بری تخصیصات منفیه لزومی ، دیگرئی ده وارداتك فضلہ اولارق تقدیر ایدیللمسیدر . بوايکی حالدن دولایي بودجه نك موازتی محو اولور .

فرانسه ده شیمدی یه قدر بوبانده اصلاحات اجرایی ایچین واقع اولان تشبثات مثر اولامامشدر . سنه مالیه نك کانون ثانی ابتداسندن باشلامایوب تموز ابتداسندن باشلامسنه دائر مالیه ناظر سابق موسیه په یترال طرفندن وقوع بولان تکلیف ده قبول ایدیللمشدر .

سنه مالیه نك تبدیلی مشکلاتی مؤدی کورولدیکندن دیگر برچاره اصلاح آزامتی لازم کلش ، اوده آنجاق بودجه نك مثلا شباط ابتداسنده احضارنده باشالانوب نیسان نهایتنده مجلسه تقدیم ایدیللمسند بولونمشدر . بوتقدیرده یاز تعطیللری ائناسنده بودجه قومیسونی مذاکراتی اجرا ایدوب راپورینی تنظیم ایدر . تشرین اولدن کانون اوله قدر دوام ایدن اجتماع اخیر بودجه نك علناً مناقشه سنه و قبولنه کافی کله بیلیر . بونك ایچین بودجه قومیسوننك یکی بر بودجه ترتیب ایتمکدن ، پارلمنتونك ده بودجه طریقیله ، یوقاریده سویله دیگمز وجهله قوانین و نظامات موجوده یی اصلاح و تعدیل ایله مکن فراغت ایتمسی لازمدرکه فرانسه ده بوکا رعایت اولونمايور .

ایتالیاده اصلاحات لازمه اجرا ایدیلهرک سنه مالیه نك بر تموزده ابتدار ایتمسی (۱۸۸۴) قرارکیر اولمشدر . مثلا ۱۸۹۹ سنه مالیه سی بودجه سی ۱۸۹۸ سنه سی تشرین اولنده احضاره باشلانیر . کانون ثانی ابتداسنده مجلسه ویریلیر ، تموزك ایلک کونه قدر مذاکره و قبول

اولونور. بوصورتله آراده آنجاق سکز دوقوز آی بر مدت کچمش اولور .
آمریشاده ده ۱۸۴۴ سنه سندن بری عینی اصول جاریدر .

انکلتزده ۱۸۵۴ دن بری سنه مالیه نك ایلک کونی باشلار. تشرین
اولده بودجه نك احضارینه بده ایدیلیر ، شباطده حربیه و بحریه نظارتلری
دوغرودن دوغرویه ، سائر نظارتلر مالیه ناظری مرقیله بودجه لرینی
عوام قماره سنه ویریرلر. مالیه ناظری ده عمومی بودجه بی سنه نك حولندن
اون اون ایکی آی اول دکل سنه مالیه نك حولندن بر ایکی کون اول
یاخود بر قاچ کون صوکر ا مجلسه تقدیم ایدر .

بوترز حرکت بودجه دن سنه مالیه نك حولندن مقدم اولق خاصه سی
رفع ایدر کی کورولورسده حقیقته بویه اولمادیقی ایلریده کوره جکز .
بوزمانده ترتیب ایدیلن بر بودجه ده البت خطای تخمین ، نقصان پك
جزئی اولور . چونکه معلوم بر طریق اوزرنده حرکت ایدیلیر .

آلمانیا ، پروسیاده ، وورتمبرغه ، دانمارقه ده ، رومانیاده سنه
مالیه بر نیسانده باشلار . اسپانیا اولجه بر تموز تاریخی قبول ایتمش
اپدیسده ۹۹ ده فراغت ایدرک ینه سنه مالیه ایله سنه عادی بی
براشدیرمشدر . نوروچ ، صربستان ، قانادا ، مکسیقا ، ژاپونیا ،
پورتکیز بر تموز تاریخی قبول ایتشلردر .

سنه مالیه نك تبدیلی درجه سنه قدر کیدلوب مجلسلرک تاریخ اجتماعنك
تبدیل ایدیلیمسی جهته کیدیلیمه سی اعضانك ایشلرندن آریلابیلرلی
ایچین و اجتماعات ایچین بوندن مساعد بر زمان بولونماسندن ناشیدر .

اکزرسيس و ژهستيو نه اصوللار

GESTION, EXERCISE

بودجه يي احضار ايده نلر اڭ يڭي احوال و وقايي کنديلرينه رهبر
اتخاذ ايتمه ليدرلر . ماضيده ويرکيلردن آلتان مقدار وارداتي تدقيق ايده نلر
حلول ايده نلر سنه نك مقدار ايرادي تقدير ايديله بيلير . مصارف مستقبليه
حقننه ياييلاج حساباتك ايلك عنصريني کچمش سنه نلر مصارفي تشکيل
ايتمه ليدر . تخميناته اساس اتخاذ ايديلهن احوال و وقايي نه قدر يقين بر
وقته عائد اولورسه خطا احتمالي ده او قدر آز اولور .

فرانسه ده و بلجيقاده معلوم اولان اڭ صولك اڭزرسيسك نتايجي اساس
اتخاذ ايديلير . يعني ۱۹۰۲ بودجه سني حاضر لامق ايچين ۱۸۹۹ اڭزر-
سيس نتايجه باقيلير . انکله ترده ايسه بالعکس مصارف معلوم اولان اڭ
صولك ژهستيو نك نتايجه نظراً تعين ايديلير . يعني ۱۸۹۷ - ۹۸ سنه
مالیه سي (۱ نيسان - ۳۱ مارت) ظرفنده اجرا ايديله نك مصارف
۱۸۹۵ - ۹۶ سنه ماليه سي ژهستيو نه، واردات ده ۹۶ - ۹۷ سنه ماليه سي
ژهستيو نه نظراً تخمين اولونور . بوفرق بودجه نك اجراسي ايچين قبول
ايديلهن مديت اڭي مملكتده مختلف اولماسدن اشآت ايديور . برده
بودجه اڭزرسيسي ، ديكر نه ژهستيون اصوليله اجرا ايديليور . عجا
بواصوللر نه در ؟

بودجه ده کوسترتيلش اولان معاملاتك كافه سنك بر سنه ظرفنده
اجراسي ممکن اولماز . بعض امور و خدمات ايضا ايديليورده بونلرک مصارفي
سنه آتيده تاديه اولونور . يعني آسويه مسئله سي بودجه نك مستند اولديني

سنه‌نك ختامندن صوكرا وقوع بولور . هكذا بعض واردات ده تحصيل ايديله ميوب مديونلرك يا خود مكلفينك ذمتده قالير ؛ بونلرده بودجه‌نك عائد اولديني سنه‌نك ختامندن صوكرا تحصيل ايديلير . ايشته بونلرك ينه اوختام بولان سنه‌نك حساباته كچيريله سنه اكرر سبس دينيليركه فرانسه ، آستريا ، بلجيقا ، يونانستان ، رومانيا ، روسيا ، پروسياده بواصول جاريدير .

برسنه دن ديكر سنه به قالان واردات بقايا سييله تأديه ايديله مش مصارفك ختام بولان سنه‌نك حساباته كچيريله ميوب تحصيل و تأديه وقوع بولديقه ايشته مكده اولان سنه‌نك حساباته كچيريله سنه ده زمستيون دينيليركه : انكلتره ، آمريكا و ايتاليا بواصولي اتخاذايله مشلدر . بواصولده بودجه‌نك زمان اجراسي سنه ماليه در . سنه ماليه‌نك ۱۲ آبي ظرفنده اكمال ايديلن كافة معاملات او بودجه‌نك اجراسي حسابته عائددر . سنه نهايتده بتون حسابلر قطع اولونور . واردات دن ويا مصرفدن قالان بقايا يكي بودجه حسابته ادخال ايديلير . خلاصه ايراد و مصرفك اجرا ايديلديكي تاريخ ، او ايراد ويا مصرفك هانكي حسابته داخل اولاجتي تعيين ايدر .

برنجي اصولده ايسه بالعكس بر بودجه‌نك اجراسي حساباتي بودجه‌ده داخل اولان كافة عملياتي ۱۲ آيك ختامندن صوكرا اكمال ايديله سييله محتوي اولور . بناء عليه بر ايراد ويا مصرفك هانكي حسابته عائد اولديني آكلامق ايچين منشأته باقق لازم كلير . بو اصول ديكر اصولدن ده مشوشدر . تخميناتك صحي ايچين ده بويوك بر مانع تشكيل ايدر . مع مافيه علماً زمستيون اصولدن ده موافقدر . زيرا بر معامله يي منشأته ارجاع اتمك تاريخ وقوعنده قيد اتمك دن ده منطقي بر حركتدره بو تقديرده هر سنه ظرفنده اولكي سنه لر ايچين نه قدر تحصيلات ، نه قدر

صرفیات وقوع بولدىنى آكلاشيلير؛ مقاييسه و تطبيق قولايجه اجر ايديلير.
 ژهستيون اصولنده جدى برحساب، جدى بر مقاييسه ياپيلاماز. سنه نك
 حسابنده آچيق اولدىنى حالده احتمال كه بويوك بر فضله كورولور؛ يا خود
 بونك عكسى وقوع بولور.

اكزرسيس اصولى هر بودجه يه متعلق اولان احوالى قولايجه تعقيب
 اتمكه، بودجه لرى بر بريله مقاييسه اتمكه، ناظرلردن برينك دائره تخصيصاتى
 تجاوز ايدوب اتمه ديكنى اكلامقده مساعدور. اكر معاملات آيك
 صوكيجى كوني قطع اولوناچق اولسه بر ايكي كونك تقدم متأخر نتايج
 سنويه ديكى تغيير ايله مكه كفایت ايدر. تأديه امرلرى و تأديات بر قاج
 كون تعجيل ايديليرسه بر سنه نك مصارف شيشره تأخير اولونورسه آزالير.
 بر بو جهتدن برده بر سنه نك حسابى ديكى سنه يه آديغندن طولايى
 ژهستيون اصولى ايچين جدى عظيم بر مانع تشكيل ايدر.

مع مافيه مسئله يى تعميق ايدى جك اولورسه ق اكزرسيس اصولنده كى
 قاريشقلاخك تطبيقاتده بو صايد يئمن فوآدى كلياً احاييت ديكنى كوروروز.
 اكزرسيس اصولنده كى فكر اساسى شودر: بر بودجه يه متعلق بر
 معامله تماماً ختام بولمادجه او بودجه قاپاناماز. محسبه دفترلى تا بو
 معاملات بيتهجه يه قدر آچيق بولومق لازمدر. يانكز معاملات ختامنده
 حسابات قطع ايديله بيلير. مع مافيه بو صورته بر اكزرسيسك سنه لرله
 آچيق بولوماسى ايجاب ايدى بيله جكندن قانوناً بونك ايچين بر مدت تعيين
 ايديشدر. بو مدت بلجيقاده ايرتمى سنه تشرين اولنك ۳۱ نجى كونه
 قدر، پروسيداده ايكي بوچوق آي دوام ايدر. بناء عليه اكزرسيس
 معين بر سنه نك قبول ايديله ن بودجه نك بوسنه ظرفنده موقع فعله وضع
 اولونان (ياپيلان خدمتله حقوق مكتمله) وارك اوسنه ايچنده كرك

قانوناً تعیین اولونان مهلت متعینه ظرفده اكمال ایدیلدن (مصارفك تسویه سی و وارداتك تحصيلی) واردات و مصارفات معاملاتك مجموعندن عبارتدر .

بو تقدیرده اگزریسیك مدت دوامی مدید اولمایورسده قاپاندینی زمان پنه كرك واردات، كرك مصارفده بقایا قالماسی اگزریسیك اصل فائده سنی ازاله ایدیور. فی الحقیقه بو بقایا بك جزئیدر و سنین متوالیه بقایاسی بر برینه همان مساویدر. فقط بوحال - بقایانك همان مساوی اولماسی - ژهستیون اصولنده موجوددر. بناء علیه بو نقطه نظر دن شیدیکی محدود المدت اگزریسیك اسکی اگزریسیك حائر اولدینی ده محرومدرلر.

عجبا انكلتره کی بر دولت معظمه ناسیل اولویورده حقیقی و آرا لرندم مقایسه اجراسنه صالح ارقامی ارئه ایده بیلدن اصول یكانه یی ترك ایدوب ژهستیون اصولی ترجیح ایدیور؟ بو تقدیرده بر چوق سوء استعمالاته معروض اولونمازی ؟

بو تقدیرده سوء استعمالات قولای اولدینی ایچین تفتیش کیفیتی غایت اعتنا ایله اجرا ایدیلیر ویایلان بر حیلله نافذ نظر لر طرفندن درحال کشف اولونور. (بالخاصه انكلتره حقنده وارددر.)

ثانیاً برسنه دن آرتان واردات ایرته سی سنه قوللانیلار ، بو صورته نقدآده بر تصرف وقوع بولور. حال بوکه اگزریسیك اصولنده ناظرلر بر سنه دن قالان وارداتی استعمال ایدرلر . هر نه قدر بو کیفیت استعمال ینه اوسنه نك مصارفی ایچین اولق لازمده فرانسه دیوان محاسباتی بوبابده شیدییه قدر بر چوق سوء استعمالات کشف ایتشدر.

ثالثاً ژهستیون اصولی ده هر سنه بر بریله مقایسه ایدیلکه صالح نتایج حاصل ایتز دکلدر . مثلاً انكلتره بودجه سنده هر اون ایکی آيك نهایتنده اولکی سنه دن قالان بقایانك ایرته سی سنه به نقل ایدیلدن بقایایه همان تماماً

مساوی اولدینی کوروپورز، ژمستون اصولنده ماده وقوع بولان شیلر کونی کونه قید ایدیلدیکندن بو طرزده بر حساب هر آن قطع ایدیلدیلیر. انکلتزده مارتک ۳۱ نجی کونی اقشامی ختام بولان سنه مالیه نیک نتایجی نیسانک برنجی کونی اعلان ایدیلیر. بناءً علیه انکلتزده مالیه ناظری بودجه سی فرانسه ده اولدینی کبی ایکی سنه لک ارقام اوزرینه دکل، ختام بولان سنه نیک ارقامی اوزرینه استناد ایتدیرر. بو وضوح خاصه سی، یک مهمدر. بالعموم مؤسسات صناعیه، اعتبار شرکتلری بو صورتله حرکت ایدرلر.

ایتالیاده بر سنه ظرفده تحقق ایدوب تحصیل و ایفا ایدیلن واردات و مصارف ده قاصیه حقیقه کیروب چیقان مبالغه انضمام ایدر. بو صورتله سنه مالیه معاملاتک یکونی آکلا شیلیر. بو عادتاً، بلا مدت مقمه اون ایکی آیلق برا کزرسیس دیمکدر. بو تقدیرده قوه اجرائیه اون ایکی آیک مرورندن سوکرا اوسنه نیک وارداتندن برشی صرف ایده مز. بو صورتله بر تصرف وجوده کتیریش اولور.

۵

بودجه ناصل اعضاء ایدیلدیلیر

بر بودجه صمیمیت، وضوح و مدت، توازن، تصرف ... کبی بر چوق خواصی جامع ارمالیدر. فقط بودجه لک اوصاف ممیزه سندن اک زیاده حائر اهمیت اولان شو ایکی ماده در:

(۱) بودجه لر واردات و مصارفه متعلق کافه معاملاتنی بلا تشویش، لایتحقیف محتوی بولونمالیدر.

(۲) بودجه‌لرده واردات و مصارف ممکن اولدنی درجه‌ده صحتله تعیین ایدیلریدر بونلردن برنجیسنه قاعده عمومیت *Universalité*، ایکنجیسنه ده قاعده حسن تقدیر *Just evaluation* دینیلیر .

مادامکه کافه واردات و مصارف قبول ایدیلر سی مقتضیدر ، بونلرک هر برینک بوقبول و تصدیقندن حصه‌دار اولماسی ایچین بودجه‌ده مقید بولونماسی ایجاب ایدر . بناءً علیه عمومیت قاعده‌سی بودجه‌ده برطرفدن کافه مصارفک ، دیگر طرفدن کافه وارداتک هر بری آیری بر صیراده آیری بر صحیفه اولمق اوزره قید و تحریری استلزام ایلر .

مصارف نهدن عبارت اولورسه اولسون مطلقا بودجه‌ده مقیدبولونمق لازم کلدیکندن دولتک یالکیز واردات صافیسنی قید ایدوب مصارفی آیری آیری قید ایتماک جائز اولاماز . حاصلات غیر صافیسنک قاعده‌سی یعنی بر ستونه حاصلات یکوتی دیگر ستونه مصرفی قید ایتماکک مناسب بر اصولدر . کک ویرکیلرک تحصیلنده ، کک دولتک اجرا ایتدیکی صنایعه ، وجوده کتیردیکی انحصارلرده عینی اصول تعقیب اولونمالیدر . وارداته کلنجه : بونکده هر بر جزئی بودجه‌ده مقید اولمالیدر . ناظرلر نظارتلری ایچین تخصیض ایدیلن مبالغی دارملرینک واردات خصوصیه‌سیله قازانمقندن اجتناب ایتملیدرلر . فی الحقیقه هر نظارت یابر صورت موقوتده ، یا تصادفاً بعض واردات استحصال ایده‌یلیر ؛ بو واردات او نظارت داخلنده ظهور ایتکله برابر او دارملرینک مالی دکادر ، ناظرلر بونلرک مقدار غیر صافیسنی واردات بودجه‌سنه ادخال ایتماکک مجبوردرلر .

مثلاً فرانسه بودجه‌سی اله آلاچق اولسه‌ق دولتک مؤسسات صناعیه‌سی واردات دولت آیری آیری مقید بولوندیقتی ، اورمان

وارداتك اورمانلری اداره ایله مكلف اولان دأرته عأبد اولمايوب
مالیه قانوننك ایراد قسمنه کیردیکنی ، دولتک اداره ایتدیکی چوبان
مکتبلرندن ، اینك آغیللارندن ، حارالردن ، پورسلهن و خالی قابرقه لرندن ،
نمونه چیققلرکیرندن ، زراعت ، یطیر مکتبلرندن حصوله کلهن اشیا
و حیواناتک بو مؤسسانه عأبد اولمادیغنی ، خلاصه اک کوچوک وارداته
قدر هپسنگ بودجهده داخل اولدیغنی کورورز .

نظاریاتده قاعده عمومینک بودجهلرده تنسویش ، تخفیف ، تقاص
اجراسنه مساعد اولمادیغنی ، هر مصرف وهر ایرادک آیری آیری قیدینه
لزام کوستردیکی اونودلماالیدر . فقط تطبیقاتده بوقاعدهنك خارجه
چیققلیغنی واقع اولوبور . مثلاً فرانسه بودجهسنده لیس و قولله ژلرک
مصارفی یالکز دولتک ویردیکی مبلغدن عبارت اولارق کوستریلور .
عأبله لر طرفندن ویریلن ۱۷ میلیونله ، ده یارتمانلر ، ناحیهلر ... طرفندن
ویریلن ۶ میلیون بودجهده کورولمیلور . لیس لرک بویه آیری بودجهلره
مالک اولملری اصلاً جائز دکلدیر . فرانسهنك اخیراً جزائر بودجهسینی
تقریباً اتمهسی ده بوقاعدهنك خارچنده بر معامله دیمکدر . انکلتیره ،
پروسیا ، بلجیقا وایتالیا بودجهلرنده عمومیت قاعدهسی جاریدر . انکلتیره ده
موزه خانه لره ، لوندره قلمهسینه کیرنلردن آلسان دخولهلره قدر اک
کوچوک واردات بیه بودجهده مقیددر . بوقاعدهیه یالکز بر ایکی استثنا
واردرکه اوده اسقونطو ، دراوباق کی شیلرک مصرف قسمنده
کورولمیلوب وارداتدن تنزیل صورتیه مقید بولونماسیدر .

آلمانیاده پوسته و تله غرافک یالکز واردات صافیهسی بودجهده
مقیددر . کمزک و تمغارساماری ، توتون ، شکر ، طوز ، اسپرئو ویرا
رسمونکده دول متحدهنك هر بری طرفندن ، ایمراطورلق خزینهسینه

یالکز حاصلات صافیه سی تسلیم ایدیلیر .

پروسیا بودجه سنده کرک واردات ، کرک مصارف آیری ستونلرده کورولور . آوستریاده ۱۸۹۰ دن بری شرکت خصوصیه حسابنه اولارق دولت طرفندن ایشله دیلکده اولان دمیر یوللرینک معاملات دخی صافی اولارق بودجه یه ادخال ایدیلکده باشلامشدر .

ایتالیا ، روسیه ، بلچیکا ، بودجه لری عمومیت اساسنه مستنددر . هر مملکتده مظهر قبول اولان بو اصولک اک بویوک مزیتلری وضوح و تصرفدر . واردات و مصارفک مقدار حقیقیسی کوستریلنجه تصرفده بیلیر . اکر یالکز واردات صافیه ارايه ایدیله جک اولسه مصارف استحصالیه جهتندن سوء استتمالات وقوعی احتمالی پک غالبدر . وضوخه کلنجه اوده واردات و مصارفات ستونلری طویلانجه بودجه ده آچیق ، فضله یاخود توازن موجود اولدینی کورولمه سیدر . بوسایه ده بودجه ده هیچ بر نقطه خفی قالماز . له تون سنه ک دیدیکی کبی وحدت اساسی براساس وضوحدر . بودجه ده وحدت اساسی آیری آیری حسابلر یا مامقندن ، بویوک بودجه یه شو ویا بو خدمته مخصوص کوچوک بودجه لر ربط ایتمه مکن ، اداره بی بش ، اون ، یکرمی مختلف قسمه آیرمامقندن عبارتدر . کافه واردات برصنیدنه کیرر ، کافه مصارفه مقتضی مبالغینه او صندیقندن چیقارسه آنجا ق اوزمان وحدت موجوددر دینیه بیلیر .

عمومیت قاعده سنک عکسی خصوصیت Spécialisation اولوب اوده : « هر خدمتی ، ایفاسی ایچین مقتضی واردات و مصارف واردات و مصارف سائر یکونندن آیرارق تفرید ایتمه کدن عبارتدر . » بو اصولده هر خدمتک ایرادی ، مصرفی ، کاری

آیری آیری اولور . بواصوله طرفدار اولانلر مساعی بی تشجیع ایچین
یکانه چاره اولان حس مسئولیتک اداره وظیفه سیله مکلف اولانلرده بو
صورتله انکشاف ایده جکنی وقوای عمومیه جانبندن هر خدمتک نتایجی
حقنده بر فکر صحیح ایدنیله جکنی سویله یورلر .

فی الحقیقه بر چوق خدمتارک نتایجی موضحاً یلتمک لازمدر . فقط
بووظیفه بودجهیه عائد دکلدر . بودجه فکری خصوصیت فکریله امتزاج
ایده من . خصوصیتدن متولد منافعتک استحصالی ایچین هر اداره هر سینه
نهایتده مجبوری اولارق راپورلر نشر ایتله لی ، طبقی مؤسسات صناعیه
کبی حرکت ایله مه لی ، بوراپورلرده بودجهده کی ارقام تحلیل ایدنیله لی ،
ومقایسه ایچین ایستاتستیک جدولاریده علاوه اولونمالیدر .

واردات و مصارفک حسی تخمین

بودجهلرده واردات و مصارفک حسن تقدیری یوقاریده ذکر ایتدی کمز
قواعدک ایکنجیسنی تشکیل ایدیوردی . بونک نهدن عبارت اولدیقی
ایضاح ایتک ایچین اولا واردادن باشلا یالم :

۱. — وارداتک تخمین

هر قلم ایراد و مصرفک قارشیسنده ممکن اولدینی قدر دوغرو برقم
بولونمالیدر . تخمیناتک دوغرو اولماسی بودجهی احضار وظیفه سیله
مکلف اولانلرک استقبالی ممکن اولدینی قدر پارلاق بر صورتده کورملرینه
وحقیقتی — تمیز ایشلرله — عیناً اخبار واقعه ایتله رینه متوقفدر . بوا یکی
خاصه اجتماع ایتزسه تخمینات دوغرو اولاماز . برنجی خاصه بی فطانت و فراست

Sagacité ایکنجی بی ده صمیمیت - Sincérité دیسه ترجمه ایده بیلیرز .

برنجی خاصه بر موهبه طبیعیه در .

تجربه ایله تکمل ایده بیلیر . قانون بوبانده بر شی یاپه ماز . ایکنجی خاصه نك محافظه سی ایچین ایسه تدابیر شدیدده و قانونیه مراجهت اولونمق لازمدر .

مالیه قانوننك الیشوک مسئله سی بوجده نك موازیتدر ؛ مالیه ناظری تقدیرات و تخمیناتك صوک صحیفه سنه کلوب یکونی کورونجه تیره مه لندر . مصرف یکونی ایرادیکنوندن زیاده ایسه آخیق وار دیمکدرکه بومغلوبیتدر . ایراد مصرفدن زیاده ایسه فضله وار دیمکدرکه بوده مظفریتدر بر طرفه مظفریت ، بر طرفه مغایرت موجود اولدنی ایچیندرکه ناظرلر واردات یکون نختنی قابطمغه ، مصارف یکون نختنی آزالتمغه میالدرلر .

وارداتك تقدیری ایچین باشلیجه اوج اصول موجوددر :

Système automatique = (۱) اصول بسطه

Système des majorations = (۲) اصول علاوه

Système de l'appréciation directe = (۳) تقدیر بلا واسطه اصولی

برنجی اصول کله جک اکز رسیسک وارداتی ایچین کچمش و نتیجه سی معلوم اولان صوک اکز رسیسک نتایج وظیفه سی قید ایتمکدن عبارتدر . بوراده استقباله نمونه اولارق ماضی کوستریلیر . مالیه ناظرلری بوضو رتله حرکت ایتمکله صمیمیتلری اثبات ایتش اولورلر . فرانسه در رژی حاصلاتی بالواسطه تکالیف ایچین بواصول ، بلا واسطه ویرکیلر ایچین ده اوچنجی اصول استعمال ایدیلیر . مع مافیه بالواسطه ویرکیلرده دخی بعضاً احوال استثنایه دن ویکی قانونلردن ناشی ارقام تعدیل ایدیلرک قبول اولونور .

ایتنجی اصول تخمین وارداتده معناد اولان اساسه مختل بر فضله
ضم ایتمکدن عبارتدر . فرانسهده بر مدت بلاواسطه تکالیف حاصلاتنک
دائماً تزايد ایتمکده اولدینی کوروله رک بواصول اختیار ایدیلشدی . فقط
بوتزاید آنجاکی مملکتک رفاهیت و تفضیه بولوندینی سنه لرده وقوع بولور
یعنی دائمی دکلدر . بناء علیه بوقاعده تخمیناته اساس اولورسه مالیه
ناظرلری آچینی قیامقی ایچین فضله واردات دییه مهمجه بر یگون علاوه
ایتمکدن چکینز لر: بواصولده خیالی فرضیه لر، کیف و تحکمه تابع معاملات
اولور .

اوچنجی اصوله کلنجه : یوقاریده کوردیکمز وجه ایله انکلتزدهده بر
سنه نك بودجه سی سنه مالیه نك حلولنك فرداسنده عوام قاره سینه تقدیم
ایدلدیکندن اوراده فرانسهده متخذ اولان برنجی اصولک قبوله لزوم
یوقدر . سکز کون اول ختام بولان برسنه نك نتایجی قطعاً معلوم اولدیغندن
شیدیدن، یاخود آز بر مدت صوکر ایشاع تأثیر ایده جک احوال نظر
دقته آینه رق وارداتک آز یاخود چوق، یاخود کچن سنه نککنه، ساوی
اولاچینی همان قطعی بر صورتده تعیین ایدیلر . بوراده مالیه ناظرلی ایچین
استدلالدن زیاده رؤیت واردر . بناء علیه واردات تقدیر بلاواسطه اصولیه
تخمین اولونور . هر خدمتک ریاستنده بولونانلر مالیه ناظرینه ویردکری
ارقامدن بالذات مسئولدرلر؛ بونلر آلدانمانی کندیلری ایچین بر شرف
عد ایدرلر .

آمریقا دهده واردات بودجه سی تموز ابتدا سندیم باشلایان سنه مالیه نك
حلولندن آز اول ترتیب ایدلدیکندن، حتی مالیه ناظرلی سینه ایچندیم
کانون اوله دوغرو ایلك تخمیناتی تصحیح دخی ایتدیکندن اورادهده انکلیز
اصولی جاریدرم .

آلمانیده، پروسیاده بو بایده معین بر اصول موجود اولمایوب تعقیب ایدیلن قاعده « وارداتك احتیاط ایله تقدیر » ندن عبارتدر .

ایتالیاده تقدیر بلا واسطه اصولی جاریدر .

بلجیقادا بودجه احضاری زمانی نقطه نظرندن فرانسه یه یقین موقعده بولونمقله برابر تقدیر و تخمین ایچین فرانسه اصولی اختیار ایتمه مشدر . اوراده هر وارداتك آیری بر اصول تقدیری وارددر . كرك وارداتی صوك بش سنه نك وسطیسنه كوره ، تكلیف شخصی بر سنه اولی نتیجه كوره ، سائر ویرکیلر وارداتی ده سائر مؤثرات اقتصادی وزراعییه كوره تقدیر ایدیلیر بوندن باشقا كانون اولده بودجه نك متعلق اولدینی سنه نك حلولندن ، یعنی اكزرسیسك كشادنندن بر قاج کون اول ایلک تقدیرات یکیدن تصحیح اولونور .

۲ . — مصارفك تخمینی

مقدار وارداتده کی کیفیت تخمین مهم بر مسئله اولمقله برابر نهایت اعطای معلومات مقصدیله وقوع بولور . فضله واردات اولاجق اولورسه تحصیلدارلر بونی آلمق ایچین قاصد لرینی آچایه جق دکلردر . قانون هر ویرکینك اسخی تعیین ایدر . او ویرکیلرک تحصیلنی تحت مأذونیته آلیر ؛ فقط تقدیر ایله دیکی ارقام تحدید ایدیلش Simité عد اولوناماز . حالبوکه مصارفده ایسه هم اسم ، همده رقم صورت قطعیده تعیین اولونمشدر . هر مصرفك قارشیدسنده مقید مبلغ یالکز او جهته صرف اولونا بیلیر ؛ و اومبلغ او مصرف ایچین معین اولان حدا عظمی بی کوستریر . بناء علیه مصرف جهتنده رقم ، واردات جهتنده اولدینی کی صرف اعطای

معلومات مقصديه مقيد اولمايوب قانونی ، تجاوز ناپذیر برحد تشکیل ایدر و بوکا تخصیصات Crédit نامی ویریلیرکه بوده براکزرسیسک حین دوامنده بر خدمتک معین بر مبلغه ایفاسی ایچین ویریلش بر مأذونیتدن عبارتدر . هیچ برناظر بودجهده کندی نظارتی ایچین معین اولان تخصیصات دائره سنی کچه من و براکزرسیسک مصارفه مخصوص تخصیصات دیگر براکزرسیسک تسویه مصارفده استعمال ایدیله من .

عجبا تخصیصاتک حسن تقدیرنده نه کی قواعد اتباع ایتک لازمدر ؟ بو سوآله جواب ویرمک ایچین اولا دائره لر طرفدن وقوع بولاجق مطالبات ، ثانیاً بومطالبات ایچین مالیه ناظريله پارلمنتو طرفدن اجرا ایدیله جک تفتیش نظر دفته آلیخالیدر .

معلومدرکه دائره لر مطالباتلرینی سرد ایتزدن اول مأمورین محلیه نك فکرلرینی آلیرلر ، دوسیه لری قاریشدیریرلر ، وقایع ماضیه و حالیه بی تدقیق ایدرلر ، بوصورته هر درلو معلومات لازمه بی الده ایتدکن صوکره تخصیصات رقتی تعین ایدرلر . بوبابده علماً سوبله نه جک شی مأمورینک متبصرانه حرکت ایتمه لری کی نصایحدن ، فائده لی توصیه لرده عبارتدر . ایکنجی جهته ايسه ده ایلری به کیدیله بیلیر . بودجه لایحه لرینی تفتیش وظیفه سیله مکلف اولانلر کندیته اراء اولونان تخصیصات مطالباتک احتیاجات حقیقه دن زیاده ویا کسبک اولوب اولمادیقی تدقیق ایتمه لیدرلر . قانوناً هکذا طلب اولونان تخصیصاتک هانکی نوعدن اولدیفته ده باقایدرلر . تخصیصات ایکی قسم اولوب بری تحدیدی Simitatif دیگرى تخمینی Evaluatif در .

تخصیصات تخمینیه اهمیت حقیقه سی ، مقدار اصلیه سی بودجه نك حین اجرا سنده آکلاشیلاجق اولان تخصیصاتدر . بودجه بر خدمتک ایفاسی

امر ایدر؛ بو خدمتک فیضاتی احوال و وقایعک صورت جریاننه تابع اولدیغندن بوکا دائر اولان مصرف صرف تخمینی اولوب تحدید ایدیلر. بومصارف بالاخره فضله اولنجیه — مجلس تعطیل ایسه — حکومت بونک صرفی ایچین مأذونیت اعطا ایدر. تحدیدی نوعندن اولان تخصیصاتده ایسه پارلمنتو طرفندن قبول اولونان مقدارک خارجنه اصلا جقیلاماز: مأمورین معاشاتی، مصارف خفیّه، مصارف تعمیریه، انشاآت کچی.

خلاصه برنجیده خدمتار تعیین ایدیلر، فقط اجرالری ایچین مقتضی مبالغک یالکتر تخمینله اکتفا اولونور. اینجیده خدمتارک طبیعت و ماهیتی و بونلره مصرف اولاجق مبالغ برصورت قطعیهده کوستریایره عیبا بوتفریقک مصارفک حسن تقدیرنده نه کچی بر تأثیر اولور؟ ناظرلر تخمینی قسمن اولان تخصیصاتک بودجهده مقید مقدار تخمینی شیشیرمکدن زیاده آزالتمه مبالدرلر. زیرا بالاخره تخصیصات قایمی آچقدردر. بوندن دولاییدرکه بر چوق بودجه قومیسئونلری بونوع تخصیصاتده تعیین و طلب ابتدکی مقداری تنزیل ایتک شویله دورسون بالمکس بونی تزید ایدرلر.

تخصیصات تحدیدیهده ایسه حکومت دائماً بویوک بریکون طلب ایتمه مبالدر. زیرا بالاخره بومقداری تزید ایدمهیه جکنی، یاخود بک کوچ تزید ایدمهیه جکنی بیلر، بناء علیه بودجه قومیسئونلری تنزیلات اجرا ایله مک باقارلر. بوجهته هر حالده مصارفک تقدیرنده موجود حرکت کیفیه تخمین واردانده کی درجه سندن ده زیادهدر. قاینه تصرف و اقتصاد اوزره حرکت ایتک ایسته مه دیکی تقدیرده قومیسئونلر نه قدر چالیشیرلرسه چالیشینلر بک آز برشینه موفق اولایلرلر.

بودجه لړك شكل محتوياتی

بودجه لړك شكلی، حجمی هر مملكتنده بر دكلدر. مثلاً فرانسه بودجه سی جسم بر كتاب تشكيل اتمكده در. ۱۸۹۶ سنه سنكي نام (۲۸۳۰)
 حیفه دن مركدی. بودجه نك محتوی اولدینی ارقام اسکی زمانه نسبتله اهمیتلی
 بر صورته تزايد اتمشده بو تزايد حجمده کی تزايد نسبتله جزئی قایلر.
 ارقامده کی تزايد انكترده دخی موجود اولمقله برار انكلیز بودجه سه
 حالا ۱۳۰ حیفه لك بر جیب كتابی حالده در. بودجه اولا باشلیجه اوچ
 قسمن مركدر : (۱) اسباب موجهه Exposé des motifs، (۲) قانون
 لایحه سنك متی، (۳) وثائق عمومی منضمه .

۱. — اسباب موجهه

مجلسه تودیع ایدبله حك دولت بودجه سی بو باده بیان مطالعاتی حاوی
 بر مقدمه یه محتاجدر . بو مقدمه بی بالذات مالیه ناظری قله آلاق كرك
 رفقا سنك مطالباتی، كرك كندينك كیلری بوراده شرح وایضاح ایدر. اشبو
 مقدمه باشلیجه مواد آتی بی محتوی اولور :

(۱) . — ثروت عمومی نك نه حال و موقعده بولوندینی، ناصیلی بر خط

حرکت تعقیب ایتدیکی کوستریلیر .

(۲) . — هنوز محاسبه قطعیه قانونیله تصفییه ایدبله مش اولان

اكرزسیسلرله سنه جاریه اكرزسیسی حقنده معلومات اعطا اولونور .

(۳) . — امور خزینیه متعلق ایضاحات و بریلیر .

(۴) . — كله حك اكرزسیس ایچین مقتضی تخمیناتی محتوی

جدولك ترتيبندن عبارت اولان وظیفه اساسیه سنه كیر: واردات و مصارفك مقدار نختندن، آچق و ارسه ناصیل قابادیله جفتندن، فضلله نه صورته استعمال اولونا جفتندن بحث ایدر.

۵. — قوانین مرعیه نك تعدیلنه دائر بعض تدابیر و تكالیف درج ایدیلیر. بونلر بر قانون ایله تعیین ایدیلش شلردكلدر، فقط بالخاصه فرانسه نك همان عموم بودجه لرك اسباب موجبیه محتوی مقدمه لرنده بوترتیه رعایت ایدیلکده در.

۲. — قانونه بودجه نك متنی

اسباب موجبیه سرد اولوندقدن صوکره بودجه قانونی لایحه نك قبولی تکلیف ایدیلیر. مالیه قانونی لایحه سی، عموم متون قانونیه کی، سرلوجه لر دن و ماده لر دن مرکبدر. سرلوجه لر باشلیجه تقسیماتی کوستریر. و موادی چوق، بعضیستکی ده آزاو لور. فرانسه ده مالیه قانونی لایحه سی یرقاج سنه اوله کلنجیه قدر باشلیجه تقسیمات آتیه دن مرکبدر.

(۱) عادی بودجه Budget ordinaire

(۲) واردات فوق العاده اوزرینه مرتب بودجه سی Budget des dépenses sur ressources extraordinaires.

(۳) واردات خصوصیه اوزرینه مرتب معصرف بودجه سی Budget des dépenses sur ressources spéciales.

(۴) منضم بودجه لر Budget annexe

(۵) خزینه نك خدمات خصوصیه سی Services spéciaux du Trésor.

(۶) تدابیر مختلفه

(۲) و (۳) رقبلى بودجه لرك الفاسندن برى مالیه قانونلى

يالكز اوچ ، درت تقسياتى حاوى اولمقده در .

(۱) عمومى بودجه (۲) منضم بودجه لرك ، (۳) تدابير خصوصيه

(۴) تدابير سنويه . بونلرى اشاعيكى باده صيراسيله تدقيق ايده جكز .

ج . — وئائو منضمه

بودجه كتابنك وئائق منضمه قسمى ديكر ايكى قسمدن يك چوق يرك اشغال ايتمكده ايسه ده اهمتى يك جزئيدر . صرف اعطاي معلومات ، تنوير اذهان ايچين علاوه ايديش شيلردر . بو وئائوك بر قسمى اسكيدن برى منمخد براموله استناداً بر قسمى ده اوامر قانونيه تبعاً علاوه ايديلير .

برنجى صنفده داخل اولانلر شونلردر :

تكليف ايديلن واردات و مصارف يكونيله ، اولكى اكزرسيس ايچين قبول ايديلن واردات و مصارف يكوننك مختصراً مقاييسهسى ؛ تكليف ايديلن وارداتك مفصل برجدولى (بوجدوله قبول ايديلن اصول تقدير و تخمينى ، اولكى اكزرسيسك نتاييجى ، تصور اولونان تعديلات نظاميه يى محتوى برنوطده علاوه ايديلير) ؛ طلب ايديلن تخصيصاتك هر نظارت ايچين آيرى برجدول مفصلى (بونده نظارتلرك مأموريتنه ، دير باش اشيا سنه عائد هر دورلو معلوماتى حاوى آيرى آيرى نوتلر بولونور .) خزينه يه متعلق وئائق ده شونلردر :

(۱) خزينه نك آلاچق جدولى Découverts du Trésor اكر

بودجه لرك آچقله قايانديفنندن ، يعنى خزينه يه وقوع بولان ادخالات

اخراجادن نقصان اولديفنندن خزينه بو بودجه لردن آلاچقلى بولونور .

ایشته بونلرک یکونی آیریجه بر حساب تشکیل ایدرکه مالیه ناظری هر سنه سرد ایتدیکی اسباب موجب دین صوکر بو حسابک نه حالدیه بولوندیقی اراؤه ایدر .

(۲) دیون متموجه جدولی . دیون متموجه حساب جاری صورتیه یاخود بر وضع موقت اولقی اوزره مخابرلری Correspondants طرفدن خزینیه ویریلن مبالغدن عبارتدر . بو مخابرلر ، یاخود خزینیه نك مشتریله ، دفتر دارلر Trésoriers généraux ، نواحی ، ده پارتمانلر ، تصرف سندیقاری کی مؤسسه لری خزینیه تحویلاتی آلوب پاره ویره ن اها لیدر . مالیه ناظری بودیون حقنده . معلومات ویریر .

(۳) خزینیه نك خدمات خصوصیه یی جدولیدرکه بو آیریجه موضوع بحث ایدیه جکدر . ایکنجی صنفده داخل اولان و نائق تعداد اتمکه لزوم یوقدر . بونلر مختلف قانونلرله تعیین ایدلشدر . یالکز مثال اولارق برایکی دانسنی ذکر ایدم :

پاتنه ت قانوننک اجراسنه دأر بر نوط (۱۸۸۰ قانونی موجبجه ، برسنه ظرفنده کشادینه مساعده اولونان توتونجی دکانلرینک فهرستی . (۱۸۷۰ قانونی موجبجه)

بودجه نك تقسیماتی

۱ . — عادی بودجه

عادی بودجه دولتک وظائف عادیه و اساسیه سی داخلنده بولونان خدماتی محتویدر . اساساً دولت باشقا بر خدمت ایفا اتمکه مکلف

اولمادیغندن بو اولمالیدر . نیتیم بر چوق مملکتلرده بالکمز بو بودجه واردر . عادی بودجده مصارف وارداتدن اول آیری کوستریلیر . عیجا نیچین دولت اولامصارفی تقدیر ایدر؟ بو نقطه نظر دن افراد ایله دولت آراسنده بر فرق موجود اولماسی نه سیه منیدر ؟

برعائله رئیسی ابتدا ایرادینی قید ایدر، صوکرامصارفی بوکا نظراً تعیین ایلر . اگر دولت صرف اموال امیرییه وارداتیه استیفای احتیاج ایتسه یدی بو صورتله حرکت ایده بیلیردی . حال بوکه دولتلرک الک باشلی منبع ایرادی ویرکیدر، ویرکی ایه غایت محول برحاصلات ویریر . یعنی بو حاصلاتی آزالتوب جوغالتق (منبی نوکتمه مک شرطیله) حکومتک انده در . بوندن دولایی حکومت ابتدا مصرفک مقدارینی، صوکر اهالیدن طلب ایده جکی فدا کارلنک درجه سنی تعیین ایتمک مجبوریتنده در .

بودجه سنده ابتدا واردات ارقامی کوسترن پروسیا دولتنده بیله احضار وظیفه سیله مکلف اولانلر شبهه سز اولامصارفی دوشونورلر . عادی بودجده مقید اولان هر قلم مصرف بر نظارتکدر . ناظر اولق، آز چوق صرفیافته بولونمق دیمکدر . قانون لایحه سنک برنجی ماده سنده هر نظارتک حصه سی تعیین اولونور .

برنجی ماده (۱) و (ب) جدوللرینه ارجاع نظر ایتمک لزومی کوستیر . بو جدوللرده بر چوق ارقام موجوددر . هر رقم بر مصرف فصلنک قارشینسنددر ؛ بو فصللرک مجموعی بر نظارتک مصرفی تشکیل ایدر . « بر جدولی جزائر ایچندرکه شیدی آیرتشددر . »

ینه برنجی ماده ده — فقط بو دفعه ذیل اولارق دکل داخلنده — آیدمکی بش شعبه یه منقسم اولق و صرف ایستاستیقندن عبارت بولونمق اوزره مصارف بر ایکنجی شکله کوسترتلشددر : (۱) دیون عمومی، (۲)

قوای عمومیّه عظیمه، (۳) نظارت‌لرک خدمات عمومیّه سی، (۴) ویرکیلر و سائر وارداتک تحصیل و ایشله‌مه مصارفی، (۵) پریملر، دولت طرفندن آلینوب بعده قسماً مخبرلره ویریلن جزای نقدیلر؛ حقسنز اولارق تحصیل اولونمش ویرکیلر ... بو یکون ایله ذیلاً درج ایدیلن جدوللر یکونی بالطبع قارشیلایشیر.

واردانه کلجه : بونده بری اعطای ماذونیندن، دیکری تقدیر و تخمیندن عبارت ایکی نقطه واردور. تحصیل ایمین اعطای ماذونیتی متضمن اولان ماده ده ذیلاً مندرج جدولنده کی وارداتک کا فی السابق قوانین مرعیه به تبعاً تحصیل اولونا جتی ذکر ایدیلیر و انواع واردات ذیلاً مندرج بولونان مذکور (ج) جدولنده مقید اولور. بوانواع وارداتک هر بری آیری آیری قبول ایدیلیر. هر رقلم یاننده هانکی تاریخی قانونه استناد تحصیل اولوندی ده یازیلیر. بو عادتاً انواع وارداتک بر فهرستیدره بو فهرستده ارقام خنجه موجود دکلدور.

صورا تخمین جهتی کلیر. قانونک ذکر ایندی کمز ماده سنی تعقیب ایدن بر ماده ده مصارفک مقدار مخفی و بونک نه صورتله انقسام ایندیکی ذکر اولونور. صورت انقسام ینه ذیلاً مندرج جدوللرده مقید بولونور. هر سطارک قارشینسه بررقم یازیلیر، بورقلرک یکونی ماده قانونیه ده مندرج مقدار خنجه مساوی اولور. واردات جداول مذیلده شو ناملرله اراّه اولونمشدر: (۱) بلا واسطه تکالیف، (۲) بالواسطه تکالیف، (۳) دوات انحصارلرندن و دولتک تشبثات صنایه سندن حصوله کلهن واردات، (۴) اموال امیریه وارداتی، (۵) واردات مختلفه، (۶) واردات فوق العاده Ressources exceptionnelles، بوبابده کی مصارفی تلافی ایدن واردات Recettes d'ordre

واردات مختلفه، اختراع براترندن، محکومینک استحصال ایتدکری، اشیانک صاییشندن، شندوفرلرده اجرا ایدیلن تفتیش و نظارت مصارفی، اولارق آلیان مبالغدن وسائر بعض شیردن عبارتدر.

آلتنجی قسمده کوموش یاره ضربندن حصوله کلن مبالغ کبی فوق العاده خاصه سنی حائر اولان و هر بودجه ده بولونمایان بعض واردات داخلدر.

یدنجی قسمده واردات ایکی به آریله بیلیر: واردات مذکوره بوبابده کی مصارفی یا تماماً، یا قسماً تلافی ایدر. قسماً تلافی ایدرسه مصارفی تخفیف ایدن واردات Recettes en atténuation des dépenses نامی ویریلیر. مأمورین ملکیه، ضابطان معاشه اتندن وقوع بولان توقیفات کبی که بونلر دولتک بوبابده اختیار ایتدیکی مصارفه تماماً کافی کلز.

اگر بونوع واردات مصارف متقابلیه تماماً تلافی ایدرسه او زمان اصل مصارفه تقابل ایدن Recettes d'ordre proprement dites نامی ویریلیر. تونس امارتی طرفندن تماماً حکومته اعطا اولونان ژاندرماء عدلیه مصارفاتی کبی. بو واردات بودجه به صرف یوقاریده کوردیکمز عمومیت قاعده سنه رعایت ایچین ادخال ایدیلیر. زیرا بونک طی و اخراجیله موازنه بوزولماز.

بوتداییری تعقیب ایدن مواده اسکی نظامانده اجرا ایدیلن تعدیلاندن بحث اولونور که بونلرک بودجه به ادخال موافق اولمادیغنی یوقاریده سوبله مشدک.

۲. — فرجه العاده بودجه

فوق العاده بودجه عادی بودجه نک دائرہ سی خارجنده اولارق دولتک مصارف فوق العاده سنی تدارک ایدر.

بولودجه حقنده بیان مطالعه ایتک ایچین بونی استلزام ایدهن مصارف
مصارف ضروریه Nécessaires اختیاریه Facultatifs مضره - Abu-
sives نامرلیله اوچ قسمه آیرمق ایجاب ایدر .

مصارف ضروریه ظهورینی منع ایتک اقوامک ید اقتدارنده اولمایان
وقایعک تولید ایله دیکی مصارفدر . بر محاربه عادی بودجه وارداتیه اداره
ایدیله مز . بویله بر وقصه نك تحمیل ایده چکی بار عظیمه بو واردات کافی
کمز . بو تقدیرده فوق العاده بودجهیه مراجعت ایدیله بیلیر . یعنی استقراض
عقد اولونور . فقط بونده کمال اعتنا ایله حرکت ایتک لازمدر .

استقراض بحثنده تدقیق ایده جکمز وجه ایله بر بطن متحمل اولاجنی
بارک بر قسمتی بطن آخره ترك ایدم بیلیر ؛ فقط بوباری واردات عادیه ایله
دفع ایتک ممکن ایکن استقراضه مراجعت اولونما مالیدر . انکلتزه قریم
محاربه سنده بونک بوبوک بر مثالی کو سترمشدر . اوزمان غلادستون
مصارفک $\frac{1}{2}$ نی ویرکی سایه سنده تدارک ایله مشدی . انکلتزه نك متفق
اولان فرانسه بو محاربه ایچین بر میلیار ۶۰۰ میلیون استقراض
ایتدیکی حالده شه سز فرانسه دن زیاده مصرف ایدهن انکلتزه آنجا
۶۵۰ میلیون محکمه عقد اتمش ، ۲۵۰ میلونلقده خزیننه تحویلاتی
نشر ایله مشدی . انکلتزه ، افغانستان ، به شو آنالان سفر لرینک استلزام
ایدیکی مصارفی همان ویرکی ایله تدارک ایتکه موفق اولمشدر . ترانسوال
محاربه سی مصارفک ایه آنجا $\frac{1}{7}$ سی ویرکی به مراجعتله الله ایدیله بیلشدر .
مصارف اختیاریه همان یالکمز امور نافع مصارفندن عبارتدر . بونلره
اختیاری عنوانی ویرله سنک سبی بو قسم مصارفک بر تحیلر کبی قطعی
بر قوتک تحت اجبارنده وقوع بولمامسیدر . بو مصارف اداره ده
بولونانلرک آرزوسنه کوره آزالوب چوغلا بیلیر . اون دو قوزونجی

عصرک نصف اخیرند دولتک فوق العاده بودجه لرنده بمصارف مهم بر موقع اشغال ایشدر .

فوق العاده بودجه ده اصلا بر بولامامسی لازم کلن مصارف ده مصارف مضربی تشکیل ایدر . نیتہ کیم فوق العاده بودجه عادی بودجه نک وارداتی بالواسطه تزید ایتک مقصدیلہ ترتیب اولونبدینی وقت ادخال ایدیلن مصارف مضرب دن معدوددر . بنوع مصارفک بو بودجه ده پری اولاماز ، طی و اخراج ایدیلہ سی لازمکیر . زیرا فوق العاده بودجه طبیعتلری اقتضاسنجہ عادی بودجه ده داخل اولملری ایجاب ایتدیکی حالده اورایہ قید اولونق ایستہ نیلن یاخود بوکا جسارت ایدیلن بر طاقم مصارفہ ملجأ اولمالیدر

اساساً عادیله فوق العاده آراسنده قطعی بر خط تمیز وجوده کتیریلہ مدیکندن هرکس بونی کندی نظریات و منافعه کوره تعیین ایتدیکنندن فوق العاده بودجه سؤ استعمالانه کشاده در . فرانسه ده ۱۸۹۰ قانونی وقوع بولان سوء استعمالاتی نظر دفته آلاق بودجه نک وحدتی اساسی قبول ایش و فوق العاده بودجه اصولی الفا ایله مشدر .

انکلتزده فوق العاده بودجه موجود دکلدر ، استقراضاندن حصوله کلن واردات ده واردات سائرہ ایله برلکده کوستریلیدیکندن بودجه نک وحدتی اساسی اوراده تماماً مزعیدر دیہ بیلیرز .

آلمانیا بودجه سنده مصارف عادیله ، موقته Transitaire و فوق العاده قسملری واردر . ایلک ایکی قسمک یکونی عادی بودجه نی تشکیل ایدر . مصارف فوق العاده حربیه ، بحریه و شندوفرلر مصارفندن عبارتدر . ۱۸۹۹ بودجه سنده بو مقدار ۱۱۴ میلیون فرانکدر . مع مافیہ آلمانیا

بودجه سی سوکرا بونلک هپنی تکرار ایدءرك عینی بریکونده ده کوستریه .
 اوستریا مجارستانه عادى و فوق العاده بودجه عینی بر یکونده ارانه
 ایدیلیر . روسیه نك شخندوفرلر انشا آتته مخصوص بر فوق العاده بودجه سی
 واردر . ۱۸۹۹ بودجه سنده بو خصوص ایچین ۱۹۳ میلیون روبله
 (۱۰۹ میلیون فرانق) مقیددر . مع مافیه هپسنك یکونی آریجه
 کوستریلشدر .

بلجیقادہ فوق العاده بودجه معقول بردارء داخلنده در . بالکنز مملکتک آلات
 وادوات اقتصادی سنك توسیع و اصلاحی امرنده وقوع بولاجق عملیاتك
 مصارفی بو بودجه یه قید اولونور . مقداری ۸۰ ، ۱۰۰ میلیون فرانقدن
 عبارتدر . فقط بونك بر قسمی اولکی سنه لرك فوق العاده تخصیصاتندن
 منقولدر . (اوراده تخصیصات فوق العاده اوچ سنه صیرا ایله بر اکثر
 سیدسن دیگر اکثر سیه کیریله بیلیر) فوق العاده بودجه عادى بودجه دن
 ایی بر زمان سوکرا ارانه ایدیلیر ، آریجه قبول و تصدیق اولونور ،
 بو بودجه نك کندينه مخصوص واردات و مصارفی یعنی بر شخصیت مستقلى سی
 واردر . اصل فوق العاده بودجه ده بونكا دیرلر .
 فوق العاده بودجه حقنده سوبله یه جگمز صوك بر سوز بونك کلاً
 القاسی تمیسیدر .

ج . — مخصوصی بودجه

خصوصی بودجه نك تشکیلندن مقصد مجالس محلیه طرفندن قبول
 اولونان تکالیف واسطه سیله تسویه ایدیلن مصارفی عادى بودجه دن
 تفریق ایله مکدر . فقط بومصارف دولت مصارفی دکدر . یوقاریده

سویله دیکمز وجه ایله بودجه یالکیز مصارف دولتی محتوی اولوق لازم کلوب، ده پارتمانلرک مصارفی بودجه ده داخل اولاماز حکومت مالیه قانوننده یالکیز هرسته ده پارتمانلرک کندی منفعتلرینه اولارق تحصیل ایده بيله جکبری ساتیلرک حدا عظیمسینی تعیین اتمکله اکتفا ایله مه لیدر. بناءً علیه فرانسه ۱۸۹۳دن بری بودجه سندن بوقسی قالدیر مشدر. بوکون ده پارتمانلرک، نواحی کبی، امور مالیه لرینی دوعرودن دوعرویه اداره ایدر لر. ناظر لر مصارف امری اعطا ایتزلر.

آمر اعطای متصرفدر، ناحیه لده مدیردر. دفتر دار Trésorier général ینه محاسبه جی Comptable وظیفه سنی ایفا ایدر سده بوتقدیرده ولایت محاسبه جیسی صفتی آلیر.

ب — منضم بودجه لری

فرانسه ده عمومی بودجه یه الحاق ایدیلان منضم بودجه لری شوقسملردن مرکبدر: (۱) مسکوکات و مدالیه اعمالی (مالیه نظارتی)، (۲) ملی تصرف صندیقی (تجارت و صنایع نظارتی)، (۳) مطبعه ملی (عدلیه نظارتی)، (۴) ازیون دونور (عدلیه نظارتی)، (۵) بحریه احتیاط صندیقی (بحریه نظارتی)، (۶) صنایع و اعمالات مکتبه (تجارت و صنایع نظارتی)، (۷) ره نویون دمیر یوللری و لیمانی (مستعمرات نظارتی)، (۸) دولت شندوفرلری (نافعه نظارتی)، (۹) سودان شندوفرلری (مستعمرات نظارتی).

عجبا بو خدمات نهدن دولایی عمومی بودجه یه بویه آیری اولارق درج ایدیلیور؟ بمضاری منضم بودجه لرک تشبیهات صنایعه دن عبارت

اولدینگی ، بونلرک نتایجیک واردات و مصارف آیری آیری کوستریلرک
 آکلاشیناسی لازم کلدیکنی سرد ایدیورلرسده بوسبب منضم بودجهلرک
 موجودیتی احقاق ایده جک بر دلیل اولاماز . یالکز فضلہ مصارف عمومی
 بودجهیه قید ایدیلرک یرده - شیدی اولدینی کی - ، مصارف و واردات
 تماماً مقید یولونمالی ، صوکر ا تفصیلات لازمه آیری بر وثیقہ شکنده
 ویریلریدر . بومنضم بودجهلرک مصارفی وارداتندن زیادہ اولنجہ بوفضلہ
 عمومی بودجهده داخل اولان تخصیصات ایله اور تولور . بالعکس بوبودجهلرک
 وارداتی مصارفندن فضلہ اولورسه فضلہ واردات عمومی بودجهنک ایراد
 قسمنده واردات مختلفہ نامی آتندہ اولور . منضم بودجهلرک ہر برندہ یافضلہ
 اورتمک ایچین ویریلن تخصیصاتک یا خود فضلہ ایرادک صورت استعمالنک
 ایجاب ایتدیکی عملیات حسابیہ اجرا اولوندقندن صوکر ا بر توازن حصولہ کلیر .
 منضم بودجهلرک وجودینی احقاق ایده جک بر سبب یوقدر . بوصورتہ
 ہم بودجهنک وحدت اساسی اخلال ایدیلش و ہم دہ بو بودجهلرہ داخل
 اولان معاملات حقندہ اجرای نظارت اشکال قیلنش اولور . بومعاملاتہ
 مالہ ناظری مداخلہ ایتمز ؛ بونلر خصوصی محاسبہ جیلر طرفندن رؤب
 ایدیلیر . و بوکا محاسبہ جیلر محاسبات عمومیہ مالیه حسابلرینی کوندرمک
 مجبوریتندہ دکلدرلر .

ه . — خدمات خصوصیه

خزینہک خدمات خصوصیه سی وارداتلرینی مصرفلرلہ توازن
 ایدنجہ قدر ، موقتاً محتاج اولدقلى مبالغی ، بودجه خارجندہ اولارق ،
 دوغروندن دوغرویہ خزینہدن آلان خدماتدر . بیلورزکہ بودجه بر

سنةك واردات ومصارفي يکونیدر . خزینة دولت وارداتك مخزن عظیمدر . هر نوع واردات بو مخزنه کبر ، هر نوع تأدیة بو مخزن چیقار . خزینةك تأدیات و صرفی یالکز کاغد اوزرنده در ؛ مملکتك هر طرفه طاغیلش اولان مال مأمورلرینك صندوق و جزؤدان موجودلری خزینة بی تشکیل ایدر .

بودجه آری بر شخصیت اولدینی کبی خزینة آری بر شخصیتدر . بونلرک آراسنده مناسبات تمادیة جریان ایدر . فقط هر بری کندی دائرة مستقله سی داخلده کندیسه خاص اولان طبیعه حرکت ایلر :

بودجه لرك حیاتلری محدوددر ؛ بر بودجهك معاملاتی قطعاً ختام بولنجه آرتق اولمش دیمکدر . اولن بر بودجه یرینه یکی بر بودجه قائم اولور . حالوکه خزینةك معاملاتی بلا انقطاع ، غیر محدود بر تسلسله دوام ایدر . خزینة ایچین بودجه لرك بانکری تعیری استعمال ایدر لرك پک دوعرودر . اک منتظم بر بودجه بیله بویله بر بانکرک وساطتدن استکاف ایده مز .

اگر سنةك ایلک آیلرنده بودجه خزینةده احتیاط بولماسه تأدیاتی تأخیر و تأجیل اتمک مجبوریت قطعیه سی حس ایدیلیر . هکذا آچیقله قاپانان ، تحصیلدن زیاده صرف ایدن بودجه لرده خزینةك معاوتی اولمقسزین یوللرینی قطع ایده مزلر . بناء علیه بر بانکر مشتریلرینه قارشى نه موقعده بولونورسه خزینةده بودجه لره قارشى اویله بر موقعده بولونور . خزینة یا اولکی بودجه لردن قالان فضله یی ، یا استقراضدن و یا خود دیون متوجه دن حصوله کلّه ن مبالغی بودجه لره اقراض ایدر .

یوقاریده سویله دیمکز وجه ایله خدمات خصوصیه بودجه خارجنده اولارقی دوعرودن دوعرویه خزینةیه مراجعت ایدن خدمتدر .

بودجه‌نك اصل غذاى ویركى تشكيل ایتدیكندن هر زمان مقیددر ؛
 خزینه ايسه واردات مصارفدن دها سریع بر نسبتده كلدیكى وقت بك
 زنكین اولایلیر . آنك ایچین بعض خدمتله بوتسکین عطش و احتیاج
 ایچین برمساعده ویرلشدر . بو خدمتله آنجق آزچوق قریب برزمانده
 وارداتلریله مصرفلری توازن ایدمك خدمات اولوب خزینه‌نك بوراده
 اجرا ایتدیكى معامله اقراض معامله‌سندن عبارتدر . فرانسه‌ده خزینه
 حساباتده (۲۸) خدمت خصوصیه مقیددر . بونلرك اك مهمی
 شمدوفرلره ویریلن تأمینات آقچیسندر . مع‌ماقیه بوده صوك زمانلرده
 عادى بودجه‌یه ادخال ایدمكك باشلامشدر .

عجبا ایچین خدمات خصوصیه هر سنه منتظماً پارلمنتونك تفتیشه تابع
 اولماز ؟ بوكا ویریله‌جك بر جواب مقنع یوقدر . عادى بودجه وارداتله
 وجود بولاجق برتثبت ایچین بر خدمت خصوصیه كشاد ایتمك بك قضا
 بر معامله‌در . علماً بونك تماماً علیهنده بولونمق اقتضا ایدر . بوكون
 یالكز بعض مأموریتله تعیین ایدیله‌نلرك ویردكلى كفالت آقچه‌لری
 بوندن استثنا ایدیله‌لیدر .

كذلك خصوصى بودجه‌لرك انقاسندن برى ده پارتمانلرله نواحى حسابیه
 اولارق تحصیل اولونان ویركیلر ایچین ده خزینه خدماتى صیراسنده بر
 حساب آچیلایدیر . فرانسه مالیه ناظرى موسیو قایو ۱۹۰۰ بودجه‌سى
 مناسبته ایراد ایتدیكى برنطقده خدمات خصوصیه بی کلیاً الفا ایتمكك چالیشق
 لازم كلدیكى سوبله‌مشدر . بونلر الفا ایدیلدیكى زمان معاملات حسابیه ده
 برجهت مظلمه قالماش اولور .

تدابیر مخصوصه، تدابیر سنویه

تدابیر خصوصیه برنجی دفعه اولارق مالیه قانوننه ادخال ایدیلهن وهر سنه او قانونده اخذ موقع ائمه به جك اولان تدابیردر .

وسائط خدمت و تدابیر سنویه ایسه متوالیاً هر مالیه قانوننده اخذ موقع ایدن و یکی بر تدبیر اتخاذ ایدیلنجیه قدر قانونك اقسام متممه و ضروریه سندن اولان تدابیردر . بو تدابیرده اوچه آریلا بیلیر: خزینه به متعلق تدابیر، بودجه به عابد تدابیر، و او سنه به عابد اولان تدابیردر . برنجی صنفده خزینه تحویلاتنه، پارس شهری تحویلاتنه، قیصه وعده لی تحویلاته متعلق تدابیر؛ ایکنجیده یا اعتباره مراجعته، یا خود بعض اعمالك اجراسنه دائر تدابیر داخلدر .

شمند و شرلرله، ده پارتما نلرله، نواحی ایله حکومتك عقد ایتدیکی مقاولات هپ بو قسمده مندرج بولونور . بونلر حکومتك محتاج اولدیغی سرمایه لری ویررلر . حکومت هر سنه فائضه برلکده آمورتیسمانی ده تأدیه ایدر . بودجه ده یالکز بو تقاسیط داخل اولور . حال بوکه بوکی مصارفی محتوی اولمایان بر بودجه تمام بر بودجه عد اولوناماز .

ایشته بوندن، منضم بودجه لردن، خدمات خصوصیه دن ناشی فرانسه بودجه سی هنوز وحدت اساسی تماماً حائر دکلدرد .

بودجه قانونك صوك ماده سی ده قانونده تعداد اولونان تکالیف خار جنده ویرکی آئنه میه جفته، بوکا جسارت ایدن نارك دوچار مجازات اولاجق لرینه دائردر .

ایشته بو صورتله ابوابه منقسم اولان بودجه قانونی لایحه سی موادی؛
ا، ب، ج، د ... جداول رسمیّه منضمه سیله برلکده قبول ایدیلنجیه قانون

مذکور تماماً حاضر نش اولور . یالکز شوراسنی اخطار ایده لمکه
بوجد اول منضمه مالیه قانونک اجزای منضمه سندن اولوب اعطای معلومات
ایچین درج اولونان وثائق منضمه ایله قاریش دیرلما ایدر .

بودجه نك قبول و تصدیق

بودجه احضار ایدیلدکن صوکر مالیه ناظری طرفندن مجلس
مبعوثانه تودیع ایدیلیر ، بوصورتله قوه اجرائیه نك الندن چیقوب قوه
قانونیه نك الیه کیرمش اولور . فقط بودجه مجلسک اک مهم ایشی
اولدیفندن تودیعیله قبول و تصدیق اراسنده بر مطالعه ابتدایه دوره سی
کچیریر . بو دوره مجلسک مذاکره عمومیه سندن دهامهمدر . عیجا
مطالعات ابتدایه کیملر طرفندن اجرا ایدیلیر ؟

بودجه لایحه سی تودیع ایدیلنجه مجلس رئیس لایحه نك طبع و توزیع
ایدیله جکی قلمره کوندریله جکی خبر ویریر . بو قلملر بودجه نی مذاکره
ایده جک قومیسونی تعیین ایدر . مجلس نظامنامه داخلی موجنجه
اعضاسنی ، بر صورت موقوتده اون بر قلمه آیریر . قلملر ابتدا کندیلرینه
کوندریله ن قانون لایحه لرینی کوزدن کچیررلر و مختصر بر مذاکره دن
صوکرابونی دهامکمل صورتده تدقیق ایچین قومیسرلر تعیین ایلرلر .
هر قانون ایچین هر قلمدن بر قومیسر مأمور تعیین ایدیلیر . بوصورتله
قومیسون ۱۱ اعضادن مرکب اولور . فقط بودجه نك اهمیتنه منی
هر قلم (۳) اعضا تعیین ایتدیکنندن قومیسونده (۳۳) اعضادن
تشکیل ایدر . بو ایضاحات نظریه بودجه قومیسونی اعضاسنک بعضی سندن
مرکب بر هیئت اولوب بالخاصه بودجه لایحه سی تدقیق ایله مک و بوبابده
مذاکره عمومیه باشلانمزدن اول بعض نتیجه لر احضار ایتک وظیفه سیله
مکلفدر . بوقومیسونک مذاکراتنده اهالی حاضر بولونمایاجنی کی

مجلسك اعضاى سائردهسى هر يرده حاضر بولوناماز . اعضاى سائرده . مذاكره قبول ايديليرسه بوكا كشاده اجتماع Séance ouverte ؛ قبول ايديليرسه اجتماع مسدود S. fermée دنياير . فرانسه ده قوميسيون اعضاسندن ماعدا مجلسك هيچ بر اعضاسى ، حتى سامعين صفتيله بيله . مذاكرات سالوننه داخل اولاماز . اوستريانك سائر مملكهتلرنده ده بو اصول جاريدير . يالكز اووسترياده ده يشراتك عموم اعضاسى ، آرزو ايدرلرسه ، ماليه قوميتهنك اجتماعاتنه حاضر بولوناييلر .

انكلترده بودجه لايحهسى توديع ايديلجه عوام قاردهسك عوام اعضاسى قوميسيون شكلنده اولارق اجتماع ايدر . بو صورتبه وقوع بولان اجتماعك ديكر اجتماعدن فرقى مذاكراته اشتراك ايمه سيدر . حال بوكه اعضاتك مجلس شكلنده اولان اجتماعده بونلر جائز دكلدر . مجلس قوميسيون شكلنده اجتماع ايديلجه اصل رئيس قولوغندن اينديريلوب ايجلرندن برى رئيس انتخاب ايديلير . اصل رئيس Speaker ، بوكا Chairman دنيلير . مذاكرات ختام بولدقون صوكرا قوميسيون رئيسى ، اصل رئيسك تحت رياسته اولارق اجتماع ايدن مجلس عموميه شفاهى بررپورله مذاكراتي خلاصه ايدر . انكلترده بودجه قوميسيونارى ايكيه آيليركه بوني آشاغيده كوره جكز . بو اصول فرانسه اصولك تماماً ضديدر .

آمريقاده بودجه قوميسيوننه مشابه اولان قوميسيونلرك ديكر مملكهتلرككندن فرقى دايمي اولمالير .

فرانسه ده كرك مجلس مبعوثانك ، كرك سناتونك تعين ايتديكي بودجه قوميسيونلري سئلكدنر . انكلترده قوميسيونلرك مركب اولديني اعضاتك مقداري هراجماعده ، موجود اعضايه كوره دكشير . آمريقاده ايسه

قونفره کشاد ایدیلنجیه رئیس مذاکره ایدیلجهك امور وموادى دائى قوميسیونلر آراسنده تقسیم وبوقومیسونیونلرک اعضاسنى بالذات تعیین ایدر. مثلاً امور مالیهك هپسى دیگر بر قومیسونده ، امور عدلیهك هپسى دیگر بر قومیسونده مذاکره ایدیلر وقونفرهك مدت دوامنجیه بوقومیسونیونلر دکشتر . برده امور مالیهی مذاکره ایدهك قومیسونیونلر ایکدر . و وازدات و مصارف جدوانی بونلر احضار ایدرلر . وظیفه لری یالکز قوه اجرائیهك ایشنی تفتیشدن عبارت دکدر . بوقومیسونیونلرک مالیه ناظرلری، کرک سائر ناظرلری حضورینه چاغیرر ، دیگر ناظرلرک اموریه مشغول اولان قومیسونیونلره استشاره ایدر ، صوکراده عمومى نایجهی مجلسه ویرر . بالاخره ده مجلسده کنیدیسی مدافعه ایدر ، زیرا مالیه ناظرینک حق دخولى یوقدر .

آلانیاده ، پروسیاده بودجه قومیسونیونى انتخاب ایله تشکلی ایدوب ۱۴ — ۲۵ اعضادن مرکب بولونور . بوقومیسونیونه بودجهك یالکز مجلسجه تعمیقه لزوم کوریلهن اقسامی کوندریلر؛ قومیسونده مالیه ناظرایله دیگر ناظرلرک مرخصلری حاضر بولونارق طلب اولونان معلوماتی ویررلر وقابینهك تکلیفاتى مدافعه ایدرلر . مذاکرات نتیجه قومیسونیون مجلسه وقوع بولاجق تکلیفات حقنده قرار ویرر ، اینچندن بر قاج کشوی شفاهی راپورلر ترتیه مأمور قیلار ، پکچتین مسئلهلرده بوراپورلر تحریریده اولایلیر . بعضاً مجلسی بودجه قومیسونیونى تعیین ایتمز اوزمان رئیس بودجهك اقسامك مذاکره سنه بو بایده صلاحیتدار اولان بعض اعضایی مأمور قیلار . پروسیا و آلانیاده اصل اقتدار قوه اجرائیهك نده در .

اسوچده مجلس مبعوثان ایله مجلس اعیان عینی بر قومیسونیون تعیین ایدر .

بو قوميسيون ۲۴ اعضادن مركب اولوب ايكي مجلس طرفندن نصيفت اوزره تعين ايديلير . دواړك كافه دفاتر و حساباني قوميسيون طرفندن تدقيق و تفتيش ايديله يدير . تخصيصات حقنده و قوع بوله حق مطالباتي ابتدا بو قوميسيون تدقيق ايدرك مجلسه راپور ويرير . هر مسئله يي مذاكره ايدوب قراري و يردكيه وقت كچر مه مك ايچين مجلسه توديع ايدر ، صوكرا ده عمومي بر راپور ترتيب ايلر . بودجه حقنده و قوع بولاجق بر قبول و تصديقي آنجا ق ايكي مجلسدن صدور ايدنجه مقبول اولور . آرا لرنده اختلاف اولورسه آريجه آرايه وضع ايديلير ، راي لر طوبالانير اكثريت (ايكي مجلسك اكثريتي) هانكي جهته غالب ايسه او اجرا اولونور . آرا مساوي ايسه مجلس مبعوثانك رايي ترجيح ايديلير . آو وستريانك ديكر مملكتلردن فرقي يوقا ريده سويله ديكمز كي اعضا نك قوميسيونه داخله اولماسي و مجلس تعطيل ايكن قوميسيونك ده مذا كرا ته دوام ايتمه سيدر .

بلجقاده هر سنه مجلس آلتى شعبه يه انقسام ايدر . بودجه بوشعبه لرك هر برينه كوندريلير . هر شعبه بودجه يي معاينه و تدقيق ايتدكن صوكرا برر راپور تور تعين ايدر . آلتى راپور تورك اجتماعيله شعبه مركزيه وجوده كلير كه بودجه قوميسوني وظيفه سني بوشعبه كورر .

دائمار قده بش قلم طرفندن بش راپور تور تعين ايديلير بونار ماليه قوميسوني بودجه تشكيله ايدر لر . ماليه ناظرينه كوندر دكلري بر راپوره تحري را جواب آيلر . بو مخبرانك پك اوزون اولماسندن دائما شكيت ايدليكده در . قوميسيون دائرة صلاحيتي داخلنده اولان مسائلده بويوك بر نفوذ ي حازدر . مقررانك اكثريسي مجلس طرفندن قبول اولونور .

بودجه قوميسوني هر نه صورته تشكيل ايدرسه ايتسين نتيجه مساعيسي

بر ویا بر قاچ راپورده جمع ایدر، کندی قانون لایحه سنک متنیده بوک
علاوه ایلر. زیرا قومیسون مالیه ناظرینک قانون لایحه سنی دیکشیدروب
یرینه یکی بر لایحه ترتیب ایتک صلاحیتیه حازدر. اولجه یالکیز بر
راپور تنظیم ایدیلکده ایکن بوکون هر مسئله ایچین آری آری و جسم
راپورلر تنظیم ایدیلک اصولی مرعیدر. فرانسه ده ۱۸۸۸ سنه سی تجارت
بودجه سی حقیقه بر آنسپلولوپه دی وظیفه سنی کورده ییلیر.

قومیسون طرفندن مجلس معبوثانه تودیع اولونان لایحه قومیسونک
لایحه سیدر، مالیه ناظری کندی تکلیف اتنده اصرار ایدیورسه بونی
مجلسک انای مذاکراتنده آرایه وضع ایده یلکدن باشقا برشی یاباماز.
بمده مجلس بوراپورلری و متن قانونی طبع و توزیع ایدیریر. صوکر
مذاکره عمومیه باشلار. مذاکره عمومیه ده ایکیه آریلیر: بری قانونک
هیئت عمومیه سی حقیقه، دیگر بری هر ماده سی ایچین آری آری وقوع
بولور. ابتدا ایراد نطق ایده جک اعضا قالدقرق مصارفک کثرتدن،
تصرف اجرایی لزومندن وساره دن بحث ایدرلر؛ هرکس خطای ایچین
بوراده بر ساحه وسیع بولور؛ بوقسم یا کندیلکندن یا خود مجلسک
اوصانماسیله ختام بواجیه ماده بماده مذاکراته باشلاییر. رئیس نومرو
صیراسیله مالیه قانونک هر ماده سنی اوقور. اکر بر ماده به عائد و ذیلاً
مندرج جداول منضمه موجود ایسه ابتدا بونلرک قبولی تکلیف ایدیلیر؛
صوکر اوماده قبول اولونور، دیگر ماده لرده بونی تعقیب ایدر. مثلاً
یوقاریده سویله دیکمز وجه ایله فرانسه قانونک برنجی ماده سنه عائد
ذیلده (۱۹۰۰) سنه سی ایچین (۱۰۸۷) فصل موجوددر. بوفصللرک
هر بری آری آری آرایه وضع ایدیلیر. بونلرک اکثریتی درحال،
هیچ مذاکره ایدیلکسزین قبول اولونور. فقط فصل بوفصل قبول بر

خصوصیت — Spécialité تشکیل ایدر؛ قوه اجرائیه بونک خارجنه
چقاماز. آنک ایچین بو باندیه بر آز تفصیلات ویرمک ایجاب ایدر.
بودجه یا طویدن، یا نظارت نظارت، یا هر نظارتده اداره اداره،
یا فصل فصل، یا قلم قبول ایدیلیر. اولجه طویدن قبول اولونان بودجه لر
بوکون فصله فصل قبول اولونمقده در.

فصل هر نظارتده یا خود هر نظارتک هر داره سنده عینی طبیعتده
و بر برینه مناسب خدماتی محتوی اولوب قلم فقره دن دها واسع بر بودجه
تقسیم ایدر. فرانسه ۱۸۳۱ بودجه سنده ۱۶۴ فصل موجود ایکن ۱۰۸۷
یه چقمش اولماسی فصللرک نه قدر آتمقده اولدیفنی کوستریر. فصولک
بودجه تعددی جهتی التزام ایده نر بوسایه ده تفتیشک دهایی اجرا اولونا
بیله جگنی سویله یورلر و حتی بودجه لرک فصل فصل، دکل قلم قلم قبول ایدیلسی
آرزوسنه، اظهار ایلر یورلر. حال بوکه بوکا قارشی اعتراض مفقود دکلدر.
مجلس هر قلمی آری آری قبول ایلر بو یورک بر زمان غائب ایدر؛ بو صورتله
حکومتک ساحه حرکتی بک زیاده تحدید ایدیلیر. هر قلمک تخصیصاتی ترسید
ایچین، بالاخره، هر آن مجلسه مراجعت وقوع بولتی لارم کلیر. حال بوکه
فضله لر صرف ایدیلیر تخصیصات الغا اولونور. خلاصه بویله بر حرکت اداره نک
مجلسه تودیبی نتیجه سنی حصوله کتیریر: ایلر یورده قلمده توقیف ایدیلر بوب فقره یه
کچیلیر، فقره ده بر طاقم اقسام مصارفه منقسم اولدیفندن نهایت بونلر ده اعطای
ماذونیه قدر کیدیلیر. بو کونکی تأمینات قوه اجرائیه ایچین کافی کور و ملک
لازمدر.

خلاصه قانونک برنجی ماده سنده ذیلآ مندرج جدول لرده کی مصارف
قبول ایدیلر کدن صوکر او ماده قبول اولونور و صیراسیله دیگر ماده لر
حقنقده عینی صورتله معامله ایدیلیر. واردات ده خصوصیت قاعده سی

موجود اولامایاجفتدن مقدار واردات ماده لرله برلکده قبول اولونق
اصوله متخذه دندر. آراده اعضادن بری بر ماده قانونیه نك تمديل وتبديلی،
یاخود او ماده دیکر بر فقره علاوه سنی طلب ایندوب اسباب موجب سنی
سرد ایدر. بودجه قومیسونی رئیس یاخود راپورتورلرندن بری ویا
حکومتک بوبانده صلاحیتدار اولان وکلی بوکا جواب ویریر.
عموم ماده لر قبول ایدیلنجیه بودجه نك هیئت عمومیه سی آرایه وضع
اولونور. بوده ختام بونجیه مجلس بودجه ایشنی اکمال ایتش اولور.
بوایش برسنه ظرفده مجلسک رؤیت ایده جکی امورك اک مهمیدر.
قومیسون طرفندن راپورلرک تحریری، لایحه نك مطالعه وتدقیق
ایچین صرف ایدیلن زماندن ماعدا مجلس اوچ آی ظرفده همان الی
اجتماعی بوکا تخصیص ایدر.

بودجه نك تصدیق سنوی

اکثر مملکتلرده بودجه بر سنه لک اولارق قبول ایدیلیر. برسنه دن
فضله بر مدت ایچین تخمیناتک وقوع بولماسی، پارلمنتونک قوه اجرائیه
بوندن زیاده بر مدت ایچین مساعده اعطا ایتک ایسته مه سی، قوه
اجرائیه نكده بودجه نی موقع اجرائیه وضع ایتک ایچین لاقل برسنه په
محتاج اولماسی کی سیلر بودجه نك قبول وتصدیقک سنوی اولماسنی
ایجاب ایدیور.

انگلتره، آووستریا، آلمانیا، پروسیا، آمریکا، فرانسه بو طرز
حرکتی التزام ایتشلردر. مع مافیه آلمانیا دول متخذه سندن بعضیسی ایکی،
اوچ سنه لک بودجه لر قبول وتصدیق ایلدکاری ایچین بودجه نك تعریفه

سنه کله سنی علاوه ایتمکن اجتناب ایله مشدک . یسماق آلمانیا بودجه سنه کله
ایکی سنه کله اولماسنی التزام ایتش ایسه ده رایخشتاغ باش وکیلک بوطلینی
اسعاف ایتمه مشدر .

بوکون دول معظمه نک هیچ بریسنده بودجه برسنده دن فضله بر مدت
ایچین قبول و تصدیق ایدیله یورسده ده بودجه نک بعضی اقسامی اوزون بر
مدت ایچین قبول و تصدیق اولونمقده در .

انکلترده fonds consolidé مصارف و واردات محکمه دینلین بر
قسم مصارف و واردات هر سنه یکیدن قبول و تصدیق اولونماز . بونوع
مصارف باشلیجه تخصیصات حکمداری و عائله قرالی ایله دیون مقیده و متوجه
فائضارندن مأمورین ملکیه و عسکریه به مخصوص بویوک پانسیونلردن، مجلس
رئیسینک معاشندن ، خدمات دیپلوماتیکیه و بعضی محاکم عالیله عدلیه
مصارفندن عبارت اولوب بونلر هر سنه پارلمنتونک مآذونیتته معروض
دکدرلرله یکی بر قانون ایله تعدیل ایدیلنجیه قدر حکمرلی باقیدر مصارفک
 $\frac{2}{8}$ ی بوقسمده داخلدر . مصارف سائر هر سنه پارلمنتونک نظر تصویبینه
عرض ایدیلیر .

وارداته کلنجه تکالیفکده بر قسمی ، بر قسمی بر قاچ سنه کله ، بر
قسمی ده دائمی اولارق قبول و تصدیق ایدیلیر . تکالیف دائمه محصللرینه
پارلمنتودن صدور ایتش بر قانون ایله مآذونیت ویریلن تکالیفدر . بو
ویرکیرلرک حکمی ، صورت طرحی ، مقداری ، شرائط تحصیل یکی بر
قانون ایله تعدیل ایدیلنجیه قدر باقی قالیر . تکالیفک $\frac{2}{8}$ ی بوقسمده در .
هر سنه قبول و تصدیق اولونان تکالیف بالکنز اینقوم ناقسی Income - Tax
ویرکیسیله جای رسومیدر .

مع مافیه انکلترده هر سنه قبول و تصدیق ایدیلین بونوع واردات

و مصارف آری بودجه تشکیل اتمه یوب ینسه مادی و عمومی بودجه داخلنده بولونور .

بواصول انکلتیره دن آمه ربقایه ده انتقال ایتشدیر . اوراده ده تخصیصات دائمه و تخصیصات سنویه واردر . فقط ایکنجیمی برنجیسنندن بر آز فضله در تخصیصات دائمه هر سنه قونفره نك نظر تصویب نه وضع اولونمازسه ده یکونی مالیه ناظرینك یوقاریده بحث ایتدیکمزاوزون مکتوبنده کوسترلیر . آلمانیا ده دخی بودجه نك قسماً اوزون مدتله قبولی اصولی جاریدر . کرک بونده سرات ، کرک رایخشتاغ اردو تخصیصاتنده سربست دکلدیرلر . هر سنه تحت سلاحه آلیناجق افرادك مقداری ایمراطورلغك قوانین خصوصیه سیله تعیین ایدیلدیکنندن بونك نتیجه سی اولارق بونده سرات و رایخشتاغ اوامر قانونیه نك اجرایی ایچین مقتضی تخصیصاتی قبول ایتك مجبوریتنده بولونورلر . هر سنه مصارف عسکریه نك مقداری بودجه ده ارابه ایدیلیر ، فقط بونی رد ایتك ، مقداریخی تنزیل ایله مك مجلسلارك ید اقتدارنده دکلدیر . Sepennat دینلن بو اسسولك وقت حاضرده کی - عسکرک مقداری ۷ سنه شامل اولارق تعیین ایدیلیر - انکلین اصولندن فرقی تخصیصاتك قبول و تصدیق مجبوری اولقله برابر هر سنه مجلسلارك انظار تصویب نه عرض ایدیله سی لزومیدر .

بوکون آلمانیا ده قوه بحریه ایچین ده بوکا مشابہ Sexennat دینلن بر اصول موجوددر . ۱۸۹۸ قانونیه تاسیس ایدیلن بواصوله نظراً ۱۸۹۸ دن ۱۹۰۳ سنه قدر رایخشتاغدن مصارف بحریه ایچین ۵۸,۹۰۰,۰۰۰ مارقدن زیاده مبلغ طلب اولونمایاقددر . فقط ۱۹۰۰ سنه سنده حکومت مجلسه اولکنندن مدعش یکی بر بحریه پروغرائی تودیع ایله مشدر . بعضی مملکتلر رئیس حکومتك تخصیصاتی ده هر سنه قبول

ایدیله یوب ریاستک مدت دوامبله معین اولور .

بودجه بعضاً برسنه دن فضله برمدت ایچین قبول ایدیلدیکی کبی بعضاًده برسنه دن نقصان برمدت ایچین قبول وتصدیق ایدیلیرکه بوکاموقت بودجه یاخود آیلایق بودجه Douzième provisoire نامی ویریلیر .

موقت بودجه ، بر ویا بر قاچ آی ظرفنده موقت بر توزیع وتقسیمه کوره ، ویرکیری تحصیل ایتک ، مصارف عمومیه بی تأدیه ایله مک ایچین ویریلش بر مآذونیتدن عبارتدر .

ا کر مجلس سنه مالیه نک حلوله قدر مذاکراتی بتیرمرسه علی العجله موقت بودجه حاضرلانیر . بوسورتله موقت بودجه بر حال استثنائیتک تولید ایدیه کی انتظامسزلفک اوکی آلق ایچین بر چاره دن عبارت اولمش اولور . فرانسه ده شو صوک زمانلرده همان هر سنه اوچ درت موقت بودجه قبولی ایجاب ایدیور . بلجیقاده ، یوقاریده کوردیکمز وجه ایله سنه مالیه فرانسه ده اولدینی کی کانون ثانی ابتداسنده باشلار . فقط دولت مذکورده بوندن تولد ایدیه ک محاذیری دفع ایتک ایچین مالیه سنه موقت بودجه اصولی ، بر صورت منتظمه ده ادخال ایتشدیر . بو اصول اکر رسیسک حین جریاننده واردات ومصارفاتی آیلایق اولاراق قبول ایتمکدن عبارتدر . فرانسه ده بودجه نک قبول وتصدیق کیکدیکی زمان بواصوله مراجعت ایدیلدیکی یعنی موقت بودجه اصولی بر انتظامسزلفه دلالت ایتدیکی حالده بلجیقاده بواصول بر چوق سنه لردن بری معتاددر ، بر مؤسسه عادیه حاله کیرمشدر . کانون اول آینده مالیه ناظری کله کله ک سنه نک ایلك آیلرینک تخصیصات موقته سنه دائر اولان لایحه بی تودیعی ایدنجه مجلس بونی فرانسه ده اولدینی کی هیجان ایله شکایتله قبول ایتمز ؛ چونکه ذاتاً بوکا منتظردر و اوراده موقت بودجه لر معاملاتک حسن

جریانته سسخته ایراث ایله من . (بلجیقاده مرعی بولونان محاسبه قانونی
موجنجه مالیه ناظری بودجه قانونی اکررسیسک کشادنن ۱۰ آی
اول ویرمکه مجبوردر . بوتدیر هر وقت یالکنز شکلاً ایفا ایدیلیر .
تشرین ثانی ویا کانول اول آیلرنده مالیه ناظری مجلسده ایراد ایتدیکی
برنطقه Speech که انکتره مالیه ناظرینک بیانانته مشاهدیر - اکررسیسه
اساس اولاجق معلومات قطعیه بی اعطا ایدر . بویاناقی متعاقباً بلجیقاً
محاسبی اکررسیسک زمان جریاننی ظرفنده بودجهنک کافه قسامنی تدقیقه
باشلار وخدمات عمومیهنک روشنه خلل کله مسنی ده موقت بودجه لرله
تحت تأمینیه آلیر . بودجهنک مجلسلرجه تدقیق آنجاق مایس آینه دوغرو
یاخود دها صوکر ا ختام بولور ، بوصورتله مالیه قانونی اجرا ایدیله چکی
سنه نك اورتیه سنده ا کمال ایدیش اولور .

اسکتره ده یوقاریده کوردیکمز وجه ایله بودجه لایحه سی اکثریا سنه
مالیه نك حلولندن صوکر ا مجلسه تودیع ایدیلیر . بناءً علیه اوراده ده موقت
بودجه قبولی ضروریدر . مالیه ناظرینک نطقندن یعنی سنه مالیه نك
حلولیه بودجه نك تودیغندن ایی برزمان اول ، تشرین ثانی ویا کانول اول
آینده حربیه ، بحریه وامور ملکیه عائد مصارف تقدیر و تخمین ایدیلرک
مجلسک اجتماع سنویسی باشلیجه یعنی شباط آینده عوام قماره سنه ویریلیر
عوام قماره سی بودجه قانونی ایچین قومیسینوده ایکی ته آریلوب برنجیسی
مصارفی تدقیق ایدر ، قبول ایتدیکی مقداری مجلسده قبول وتصدیق
ایتدیرر . ایکنجی قومیسون قبول ایدیلن مصارفک تأدییه سی ایچین مقتضی
وارداتی قبول ایدر و بونی مجلسده قبول وتصدیق ایتدیرر . بوصورتله
قومیسینولر طرفندن بربرندن آری ایکی معامله وقوع بولور .
فقط سنه مالیه نك حلولندن اول بری حربیه ، دیگری بحریه مصارفاتی

ایچون مقتضی مبالغه قارشی بر ایکی تخصیصات قبول و تصدیق ایدیلدیکی کی خدمات ملکیه ایچین ده فصللرینک کثرتنه منی ، متعدد تخصیصاتلر قبول اولونور . سنه مالیه نك حلولندن سوکرا مالیه ناظری امور مالیه دایر اولان بیاننامه سنده مجموع واردات و مصارفی تکرار ایتدیکندن هنوز تدقیقی ختام بولمایان اقسامک تدقیقاتنه دوام ایدیلیر . بوسورتله علی الحساب دها بر چوق مصارفات قبول و تصدیق اولونورکه بونلرک هر بری بر موقت بودجه دیمکدر . نهایت مالیه قانونی Act. appropriation کلیر . شیمدییه قدر ویریلن تخصیصات طویدن ماذونیت اعطا اولونمش تخصیصاتندن عبارتدی . بو قانون بو تخصیصاتی تکرار ایدرک بودجه نك اک کوچوک تقسیماتنک قارشیسنه یازار . بوندن بو تخصیصاته ایجاب ایدن قطعی ویریر . موسیو لورو آبولیو انکلترونک بواصولدن مضطرب اولماسنی ، ضرر کورمه مسنی ، قایینه نك اوراده حائز اولدینی نفوذه ، مالیه ناظرینک حسیات ملیه یه تبعیتنه ، مجلسک هر شیئی آلت اوست ایتک کی بر مقصد تعقیب ایتمه مسنه عطف ایدیلیر .

بودجه مجلس مبعوثان طرفندن قبول و تصدیق ایدیلدکن سوکرا مجلس مالیه یه کیدرکه بو مجلس ده بزده مختلف نامرله یاد اولونور :
سناو ، لوردلر قاره سی ، سینیورلر قاره سی ، بودجه قانونی آنجاق بو مجلس طرفندن ده قبول ایدیلدکن سوکرا قطعیت کسب ایدر . لکن هر ایکی مجلسک بو بابده کی درجه صلاحیت و اقتداری هر مملکتده مساوی دکدر .

اولا مجلس مبعوثانک مجلس اعیانه حق تقدیمی واردرکه بوجوق بودجه مسئله سنده بر حق رجحان دیمکدر . بودجه یی ابتدا تدقیق و قبول و تصدیق ایدن مجلسک بوابده حاکم اولماسی احتمالی بلک غالبدر . بو مجلسدن

چیتان بودجہی تکرار آلت اوست ایتمک ، دیکشدرمک ممکن دکلدر
ذاتاً بوکا زمانک ده تحمل و مساعدہ سی یوقدر .

انکترده مالیه قانونی لوردلر اصلاً تعدیل و تغیر ایدہ منزل . حتی
لوردلرک بودجہی ردایتملرینہ عوام قمارہ سنجہ مساعدہ اولونمایہ جنی ده
منازع فیہ بر مسئلہ در . مع مافیہ عوام قمارہ سنک بوامتیا زی ده اعظام
ایدلہ یلیدر . چونکہ اولاً امور مالیه ایلک تشبث صرف نظارہ عائددر
ثانیاً عوام قمارہ سنک حکومتک بودجہ تکلیفاتندہ پک آز تعدیلات اجرا
ایتمہ سی انکترده اصول منخذہ دندر . ثالثاً ہر سنہ قمارہ پک پیش نظر
تصویبہ ارانہ اولونان واردات و مصارف مملکتک عموم واردات و مصارفی
دکلدر .

دول متحدہ ہیئتارندہ مجلس عالی کوچوک دولنارک استقلالہی محافظہ
وظیفہ سیلہ متشکلدر . ہر دولتک نفوس و اراضیسی نہ مقدارده اولورسہ
اولسون بوجلسدہ عینی مقدار اعضاسی بولونور . اسویچرہ ده ، آمریقادہ
اولدینی کبی برنجی مجلسدہ کوچوک دولتلر اقلیتی حائز ایسہ لورہ ایکجیدہ
ہیسی مساویدر . دول متحدہی یعنی آمریقا ، اسویچرہ ، آلمانیا
دولتلرنی ده بربرر کوزدن کچیرہ لم :

آمریقادہ مجلس مبعوثان امور مالیه ده حق تقدیمی حائزدر . فقط سیناتو
دخی ایستدیکی تکلیفاتی درمیان ایدہ ییلیر . سناتو مالیه قانونندہ
تعدیلات اجرا ایتمک ایستہ بنجہ قانون تکرار مجلس مبعوثانہ کیدر ؛
بو باندہ صلاحیتدار اولان قومیسسیون طرفدن مذاکرہ اولونور .
بو قومیسسیونک قبول ایدہ جکی نتیجہ اوزرینہ مجلس مبعوثان ده تکرار
مذاکرہ ایدر . شاید سناتونک رأی قبول ایتمز و ۔ اکثریا بوحال
وقوع بولور ۔ سناتودہ رأیندہ اصرار ایدرسہ ہر ایکی مجلس اوچر

قومیسر تعیین ایدرلر . بوکا قونفرانس قومیسونی دینیر . بر قومیسون مذاکره و تدقیق ایدر . مساعیسی ختام بولنجه راپورنی قبول ایتدیکی متی مجلسله ویریر . بومتی تعدیل ایتک ایکی مجلسکده ید اقتدارنده دکلدر ، یا تماماً قبول ، یا خود تماماً رد ایلهمک لازمدر . ینه مجلسلردن بری ردانده جک اولورسه یکیدن بر قومیسون انتخاب ایدیلیر ، تاموافق حصوله کلنجه یه قدر بوضورتله حرکت اولونور . بومنارعهده اکثریا سناتو غالب کلیر . چونکه مجلس مبعوثانک مقرراتی سناتوده عریض و عمیق تدقیق ایدیلدیکی حالده سناتونکیکلر مجلسده ، اجتماعک تعطیلی زمانه مصادف اولدیفندن سطحی صورتده تدقیق اولونور . مجلس اکثریا برنجی قومیسونک مقرراتی قبول ایدر .

اسویچرده ایکی مجلسک بربرینه نسبتله نه حق تقدیمی ، نه ده حق رجحانی واردر . بودجه ابتدا هر هانکیسه اولورسه تودیع ایدیله بیلیر . اگر مجلسلر آراسنده منازعه ظهور ایدرسه احوال حاضره نك محافظه ایدیله چکنه قرار ویریلیر .

آلمانیاده برراینخشتاغ مجلسی اولدینی کی برده دولتلرک مرخصلرندن مرکب بونده سرات مجلسی واردر . فقط بونده سراتده آمهریقا و اسویچره اصولنک خلافتله اولارق پروسیانک رجحانی جاریدر . رئیس هم آلمانیا باش وکیلی ، همده پروسیا باش مرخصیدر . مانیه قانونی باش وکیل طرفدن ابتدا بونده سراته ویریله بیلیرکه بوندن ده مقصد راینخشتاغک نفوذ تقنینشی تخفیف ایتمکدر .

دیگر مملکتلره کلنجه : پروسیاده ، هولانداده مجلس عالی بودجه قانونی یا تماماً قبول یا تماماً رد ایدر . آوستریاده مجلس عالی تعدیلات تکلیف ایلهمکده مختاردر . ایکی مجلس آراسنده اختلاف ظهور ایدرسه

لك كوچوك رقى التزام ايدهن طرفك رآنى اختيار اولونور .

ايتالياده متن قانونده بوباده بر صراحت اولماديڭي ايچين ، سناتونك تعديللات تكليفنه صلاحيتي وار فرض اولونويورسهده شيمدي يه قدر بوندن دولايي بر چوق منازعات و اختلافات ظهور ايتمشدر .

بلچيقاده سناتو تعديللات تكليفي و مجلس مبعوثان طرفندن قبول ايديش اولان بر تدبير مالينك ردی صلاحيتي حائزدر . لکن ويركيلرك تزييدي ابتدا سناتو طرفندن تكليف و قبول اولوناماز .

فرانسهده ايكي مجلسك مالیه قانونی نقطه نظرندن حاز اريدني حقوق هر سنه موقع مناقشه وضع ايديلكمدهدر . فرانسه قانونی موجبجه قانونلری تكليف حقنده سناتو ايله مجلس مبعوثان عيني درجه اقتداري حائزدر .

فقط مالیه قانونی ابتدا مجلس مبعوثانه ارايه و اونك طرفندن قبول ايديلك لازمدر . بوتون منازعه و اختلاف شو « اونك طرفندن قبول ايديلك » سوزلرندن چيقيور . بوكا استناد ايدهنلر ديورلرکه : مجلس مبعوثان بر مصرفي بودجه يه قيد ، بر ويركي بي تصديق ائتمه مشسه ، قاينه طرفندن درميان اولونان بر ايراد ويا مصرف تكليفي رد ايديش سه سناتو آرتق بوباده اجراي مذاكره ايدهنر . زيرا بر تخصیصات ويا ويركي بي ابتدا سناتونك تصديق ايديه بيايه چكي و بونك بعده مجلس مبعوثان جانبندن ده قبوليله قانون حالي ا كتساب ايده چكي قبول اولونسه مبعوثان اعيانندن صوكرانصديق ايتمش اولوركه بومتن قانونه مقاييردر . بناء عليه سناتو كنديلكندن بر تكليفده بولوناماز . يالكز تكليفات موجوده اوزرينه اجراي مناقشه ايده بيلير . اكر بر اختلاف ظهور ايده جك اولورسه طرفيندن برينك موافقت ائتمه سي

لازمکلیه : فقط هانگی طرف ادعا شدن و از کچه جک ؟ بعضی لینه کوره سنانونک یالکز مجلس مبعوثانه مطالعات در میان ایتک حتی واردر؛ اوت وخایر دیسه جک، قبول و یارد ایده جک مجلس مبعوثاندر . بونک ویره جکی قرارک استیناف و تمیزی یوقدر .

مع مافیله بومنازعات فرانسه ده شیمی به قدر رسماً حل ایدله مشدر . بعض کیسه لر بونک شو صورتله تسویه سنی طلب ایدیورلر ؛ اختلاف ظهوری تقدیرنده مکلفینک منفعتی دوشونولملی ؛ بر مصرف طی ایددن طرفک سوزی صوک سوز اولمالیدر . مجلسردن هربری دیگر بی قوانین مخصوصه ایله تأسیس ایدلش خدماتی بودجه طریقله تعدیلدن منع ایتملیدر .

فرانسه ده شومطالعاه به اهمیت ویریلورسه ده اساساً سناتویه بودجه کچ کلدیکندن بوربون سراینده اون آی قالان قانون لایحه سنی لوکسنبرغ سرائی برقاج هفته ایچنده تدقیق ، مناقشه و تصدیق ایتکه مجبوردر . زیرا عکس تقدیرده موقت بودجه مسئولیتنه متحمل اولمق ایجاب ایدر .

سناتویه بودجه کلنجه مذاکره عمومیه دن صوکر ماده بماده مذاکره به باشلانیر . هر ماده ایله بوکا مربوط جداول منضمده مقید هر فصل مصرف آیری آیری قبول و تصدیق ایدیلیر . لایحه نك اقسام مختلفه سی قبول ایدیلنجه هیئت مجموعه سی آرایه وضع اولونور . اختلاف ظهور ایدنجه بودجه برقاج دفعه مجلساری دولاشیر ، فقط بودفعه لرده مذاکره و قبول و تصدیق یالکز منازع فیه نقطه لر حقنده وقوع بولور . اکثریا ایکی اوچ دفعه کیدوب کلدکدن صوکر وقتک مرورینه مبنی متقابل مساعدات ایله ائتلاف حصول بولور . اووقت بودجه دولتک قانونی

اولور . قوه اجرائیه رئیس طرفدن اصول مرعیه وجه ایله تصدیق
ایدیلدیکدن سوکرا رسمی غزته ایله ده عیناً نشر ایدیلیر . [۱]

۹۰

تخصیصات منضمه

CREDITS ADDITIONNELS

بودجه قبول و تصدیق ایدیلدیکدن سوکرا اعطا ایدیلدن تخصیصاتك
كافی كلمه سی ؛ یاخود بودجه ده اولمایان بعض احتیاجات جدیدك
مصارف جدیدی استلزام ایله سی ممکندر . حکومت بر مصرفه تشبث
ایتمزدن اول ، ماذونیت متفرقه قاعده سی موجبیه ، تخصیصات منضمه
طلب ایتمك مجبوریتمده بولونور . بناءً علیه تخصیصات منضمه قانون مالی
سنونك قبول و تصدیقندن سوکرا اعطا اولونان تخصیصاتدر . حکومت
بعض احوالده بو تخصیصاتی بالذات دخی كشاده ایدیه یلیدیکی ایچین پارلمنتو
طرفدن قیدینی علاوه یه لزوم کورمه یورز .

عادی زمانلرده تخصیصات منضمه اعطائی ایجاب ایدیه ك احوال
بك نادر اولارق وقوع بولور . بر هیئت مرخصه ك قبولی ، بر جنازه
آلای مصارفی ، بر یانغینك اشاع ایدیه كی خساراتك تلاقیسی کی بونلرك
بالطبع اولدن كشف و تخمین ممکن دكلدر .

[۱] سنانو بودجه قومیسونی تعیین ایتمك ایچین لایحه ك مجلسه تودیمی زمانی
بكله من . زیرا بوتقدیرده ذاتاً آز اولان وقتی تماماً غائب ایتمه سی ایجاب ایدر .
بناءً علیه سنه ك ابتداء سنده تعیین ایتمدیکی قومیسون مبعوثانك مذاکراتی نیم رسمی
صورتمده تمقیب ایله یرك اولدن راپورینی حاضرلار .

فقط بعضاً كرك بالا اختيار، كرك اعتذار قبول ايتمز بر تأخر ونسيانندن ناشی ايلك بوده چده صورت منتظمه ده بولونماسی لازم كلهن بعض تخصیصاتك يكدن قبول ویا تربیدی جهته كیدیلیر . بو نوع تخصیصات منضمه مصارفك ترایدینی، بودجه اخلاص موازنتنی انتاج ایدر. زیرا بودجهك مذاكره سی انناسنده هر مصرف آیری آیری تدقیق ایدیلهرك فائده سی ایلنجی درجده و مشكوك كوروله نلر رد ایدیلدیكي حالحه تخصیصات منضمه طلبنده حاكملر بوقدر سرت، بوقدر مدقق داورانامازلر . بونی بك اعلا بیلن دواړاك زیاده قابل اعتراض و مناقشه اولان مطالبه لرینی بوزمانه صاقلارلر .

فرانسه ده شیمی ده قدر تخصیصات منضمهك آنجاك بر حد نافع و معقول داخلنده وقوعی ایچین بر طاقم تشبثانده بولونولشدركه بونلرك اك مهمی بری Budget rectificatif مصحح بودجه، دبكری ده Virement نقل اصولك قبول و تأسیسیدر .

مصحح بودجه اكزرسيسك حین جریاننده قانون سنوی مالينك محتوی اولدینی تبدیل ایدن بر ایکنجی بودجه در. مادامكه بوده بر بودجه در واردات و مصارفی قواعد مؤسسه یه تبعاً و برينك دیکریله اولان موازنتنی تأمین ایدرك تخمین ایلهمه لیدر . ایکنجی بر بودجه اولسق حیثیتیه اكزرسيسك كشادنن اول قبول و تصدیق ایدیلن قانون مالی سنوی رینه قائم اولور؛ اونی تصحیح و تعدیل ایدر . مصحح بودجه دیکر سنهك بودجه سیله عینی زمانده یعنی سنهك ايلك آیلرنده ویریلیر . بو بودجه ده واردات و مصارف یكدن تدقیق ایدیلیر ، اشكله ترهك مجلسه كچ بودجه ویرمكه حاصل ایتدیكي منافع بوصورتله تماماً حصول بولور . آلداتقی . یا كلیتی احتمالی بك آزالیر . برده مصارف تكرار كوزدن كچیریلدیكي كبی

واردات دہ کورولور۔ مصرف نہ قدر مقید اولورسہ اولسون امکان مالی
 کوزہ دیلکسزین یعنی مصرفہ قارشى یکی بر واردات بولونمقسزین
 برشى یا بیلار۔ تخصیصات منضمہ نیک هانکی واردات ایله اورتوله جکی
 کوستریلک ایجاب ایتدیکندن بوسورتله سسوء استعمالات وقوعه
 برسد ممانعت چکیش اولور۔ برده بو بودجه قبول و تصدیق
 ایدیلدکن صوکر ا یکیدن تخصیصات منضمه تکلیفی وقوع بولمایاجنی اسید
 ایدیلیر۔ مابعدی وار